


那述
釋氏稽古略

二東晉
至隋末

漢書門		三			
類	號	三	一		
函	架	四	三		
冊		九	一	五	

內閣文庫		三			
類	號	三	一		
冊	架	四	三		
函		九	一	五	

內閣文庫		
番號	漢	3349
冊數		5 (2)
函號		310 144



綴じ部(喉部分)の文字など開きが不鮮明な箇所あり

釋氏稽古略

遼庵居士嚴爾珪再刊

烏程職里寶相比丘釋 覺岸 寶洲編集再治

東晉 司馬氏 都建康

元帝 明帝 成帝 康帝 穆帝 哀帝
海西公 簡帝 武帝 安帝 恭帝

中宗元皇帝

諱睿。琅琊王觀之子。宣帝曾孫也。年十五嗣封琅琊王。懷
守。愍帝蒙塵。王乃出師北征。丁丑年二月。即晉王位於建康。始備百
官。立宗廟。建社稷。大赦。改元建武。十二月。愍帝遇害。戊寅年三月。凶
問。至建康。王斬哀居廬。既而即皇帝位。大赦。改元大興。立王太子紹
為皇太子。是時承喪亂之後。江東草創。才協。久宦中朝。諸練舊事。賀
循為世儒宗。明習禮樂。凡有疑議。皆取決焉。帝在位六年。四十七歲。

瓦棺 帝於建康造瓦棺龍興二
寺。集丹陽建業千僧。明

釋氏稽古略

卷二

建武一 太興四

永昌一

丁丑 晉 建武年 漢劉氏大成 李氏 前涼張寔慕容 代 平文帝 鬱律元年

戊寅 太興年 聰卒劉聰立 光初元年 王衡八年 康涼 代 二年

漢主劉聰至是戊寅年卒太子粲即位為斬準所殺丞相劉曜即皇帝位年曰光初還都長安改國號曰趙石勒進爵為趙王劉聰載記

已卯 晉 太興年 趙劉曜成 光初二年 王衡九年 後趙石勒前涼 前燕慕容代 廐督東夷 三年

庚辰 太興年 光初年 王衡十年 前涼 燕 代 四年

辛巳 太興年 光初年 王衡十年 前涼 張茂襲位 燕 代 賀偃元年

壬午 太興年 光初年 王衡十一年 前涼 代 二年

孔雀經 天竺尸黎蜜多羅訶尊尊者讓王位出家如偃也西晉懷帝永嘉中到華夏至是抵建康止建初寺丞相王導見之曰我輩之人太尉庾亮光祿周顒廷尉桓彝一時名公皆造門結友聲名著搢紳間善說法要時人呼為高座法師又善呪誦作梵唄清響凌雲譯孔雀等諸經本傳

肅宗明帝 紹元帝長子幼而聰哲年數歲屬長安使來帝因問曰汝謂來元帝異之明日宴群僚又問之對曰日近元帝失色曰何乃異問者之言乎對曰舉目即見日不見長安由是益奇之立為皇太子性至孝有文武才略欽賢愛客雅好文辭當時名臣自王導庾亮溫嶠桓彝阮放等咸見親待習武藝善撫將士於時東朝濟濟遠近屬心焉永昌元年春正月王敦於武昌上疏罪狀刀協劉隗元帝勸協隗避禍協行為人所殺送首於敦隗奔後趙石氏官至太子太傅而卒敦進兵據石頭元帝以敦為丞相敦謀廢太子不果遂不朝天子而還武昌十一月元帝憂憤成疾崩太子即位改元太寧三月王敦謀篡位再興兵帝出師討敦二年五月敦疾甚王含戰敗敦尋卒敦黨祕不發喪裹尸以席蠟塗其外埋於江寧廳事中敦黨既平有司發敦瘞出尸焚其衣冠踞而斬帝崇齋興福造皇太寧

之帝在位三年壽二十七歲興道場二寺義懺 三

癸未	晉太寧元年	趙劉曜成	君衡	後趙石勒	前涼	前燕	代拓跋氏
甲申	太寧二年	光初七年	王衡	五年	子駿襲位		三年
乙酉	太寧三年 七月帝崩	光初八年	王衡	七年			代王賀傳 四年
							代煬帝紇那 元年

沙門竺法乘神悟超絕玄鑒過人師於法護護甚嘉之。後到燉煌立寺延其學侶大化于西者乘之力也。高僧

二十五祖婆舍斯多尊者罽賓國人也。姓婆羅門。父寂行。母常安樂。南印度。初至中天竺國。其王曰迦勝。禮迎之時。王宮殿俄有異香。尊者肅然曰。我師謝矣。遂北面作禮。尋辭王。王曰。尊者少留。容有所問。此死有泉。熱不可探。願為決之。祖曰。此為湯泉。有三緣所致。其一神業。其二鬼業。其三熱石。熱石者。其色如金。其性常炎。故其出泉如湯。鬼業者。謂其鬼方出罪。所遊於人間。以餘業力。煎灼此泉。以償其夙債。神業者。謂神不守其道。妄作禍福。以取饗祀。惡業貫盈。宜罰役之。亦使煎灼此泉。以償濫祭。王曰。幸尊者驗之。三緣此果何者而致之。尊者曰。此神業所致也。即命焚香臨水。為其懺悔。須臾。頭人見一長

人前禮尊者曰。我有微祐。得遇尊者。即生人中。故來辭耳。已耳。遂隱後七日。其水果清冷如常。泉尊者辭王。王躬羅御仗以送之。至南印度。其王曰。天德。逆而禮之。王有二子。一名德勝。二名不如蜜多。後德勝嗣位。信向外道。致難于祖。遽問祖曰。子聞師子比丘。不免於殘。何能傳法。祖曰。我師難未起時。授我信衣。法偈。以顯師承。王曰。其衣何在。祖探囊中。出衣示王。王命焚之。五色相鮮。薪燼如故。王即敬禮曰。師子真嗣。王弟不如蜜多。遂求出家。侍祖六年。於王宮受具。羯磨之際。大地震動。祖命之曰。吾已衰朽。安可久留。汝當善護正法。眼藏。普濟群有。聽吾偈曰。聖人說知見。當境無非是。我今悟真性。無道亦無理。不如蜜多。聞偈已。啓祖曰。法衣宜傳授邪。祖曰。此衣為難。故假以為證。汝身無難。何假其衣。化被十方。人自信向。祖乃現于神變化。三昧火自焚其身。平地舍利。可高一尺。德勝王。翔浮圖而祕之。當此東

晉明帝之世也。世也。謂宗

顯宗成帝

衍。明帝長子。太寧三年八月。即帝位。年五歲。庾太后臨朝。咸和二年。冠軍蘇峻拒命謀逆。三年四月。蘇峻劫帝幸石頭。京城宮室悉皆煨燼。獨太寧殿壁。明帝手畫佛像。屹然不壞。人皆嗟美。稱其神異。陶侃溫嶠攻石頭。峻戰墜馬。斬首鬻割之。焚其骨。峻餘眾

立峻弟逸為王。閉門自守。四年二月。諸軍攻石頭。建威長史騰舍擊蘇逸。大破之。西軍獲逸。斬之。滕舍部將曹據抱帝奔溫嶠船。群臣見帝號泣請罪。是時宮闕灰燼。以建平園為官。溫嶠欲遷都豫章。三吳之豪欲遷會稽。二論紛紜未決。司徒王導議之不復遷都。咸康元年正月庚午朔。帝加元服。大赦改元。八年五月。帝不豫。帝二子不奕皆在襁褓。中書監庾冰自以兄弟秉權日久。恐易世有間。每說帝以國有強敵。宜以長君請以同母弟琅邪王岳為嗣。帝造中興鹿苑二寺。嗣帝許之。六月。帝崩。二十二歲。在位十七年。集翻經義學千僧。帖

咸和九
咸康八

丙戌

晉 咸和元年

趙 初九年

成 王衡卒

後趙石氏前涼 八年

前燕

代

二年

飛來峰

西天竺國惠理法師。是年來遊震旦。至浙西杭州。見山巖秀麗。曰吾國中。天竺靈鷲山之十小嶺。不知何年飛來。佛在世時。多為僊靈所隱。今此亦復爾耶。有洞舊有白猿。遂呼之白猿。應聲而山人始之信。飛來由是得名。師即地建兩刹。先靈鷲。後靈隱。師宴坐之巖。號理公巖。今塔塔存焉。碑。今塔塔存焉。碑。

丁亥

晉 咸和二年

趙 劉氏成

李氏後趙石勒

前涼張氏前燕代 九年

前燕

三年

戊子

咸和三年

劉曜石勒 滅之合二 十六年

王衡十八年

石氏據原前涼 太和元年

前燕

四年

漢趙

漢劉淵字元海。新興匈奴人。漢以宗女妻冒頓。故子孫冒姓劉氏。西晉惠帝甲子。永興元年。立成都王司馬穎為皇太子。穎表

漢淵 趙曜

匈奴左賢王劉淵為冠軍將軍。監五部軍事。將兵在鄴。各鄴郡冀城。淵子聰。驍勇絕人。博涉經史。善屬文。彎弓三百斤。弱冠遊京師。名士莫不與交。穎以聰為積弩將軍。淵從祖右賢王劉宣謂其族人曰。自漢亡以來。我單于徒有虛號。無復尺土。今吾眾雖衰。猶不減二萬。奈何。斂手受役。奄過百年。左賢王英武超世。天苟不與。與匈奴必不虛生此人。也。今司馬氏骨肉相殘。四海鼎沸。復呼韓邪之業。此其時也。乃相與謀。推淵為大單于。使其黨呼延攸。詣鄴告淵。淵白穎請歸會葬。穎弗許。及王浚東。羸公騰討穎。淵說穎曰。請為殿下還說五部。以赴國難。穎悅。拜淵為北單于。參丞相軍事。淵至左國城。劉宣等上大單于號。二旬之間。有眾五萬。淵都左國城。謂羣臣曰。昔漢有天下。恩結於民。吾漢氏之甥。乃建國號曰漢。即漢王位。年曰元熙。以右賢王宣為丞相。晉懷帝永嘉二年。漢王淵取山西平陽。今晉寧路太守宋

漢 宣為丞相晉懷帝永嘉二年

漢 宣為丞相晉懷帝永嘉二年

漢 宣為丞相晉懷帝永嘉二年

抽棄郡走淵徙都平陽蒲子上郡。即皇帝位。改元永鳳。晉永嘉四年七月淵寢疾。以楚王聰為大司馬大單于。安昌王盛安邑王欽西陽王濬皆領武衛將軍分典禁兵。淵卒。太子和即皇帝位。西昌王銳恥不預顧命。乃相與謀說和曰。先帝不惟輕重之勢。使三王擁強兵於內。大司馬擁十萬眾屯於新郊。陛下宜早為之計。和召盛告之。盛曰。陛下信讒夫之言以疑兄弟。銳怒命左右刃之。師兵攻楚王聰于單於臺。中漢路即大同路也。冀城。聰反攻西明門克之。殺和於光極西堂。收銳梟首於衢。聰即皇帝位。改元光興。以北海王乂為皇太弟。封其子粲為河內王。以石勒為并州刺史。太原也。今辛未漢嘉平元年。聰遣前軍大將軍呼延晏始安王劉曜王彌石勒攻洛陽。克宣陽門。晉懷帝出欲奔長安。漢兵追執之。遷帝及六璽於平陽。聰以帝為特進左光祿大夫。封平阿公。壬申聰之嘉平二年封懷帝為會稽郡公。次年二月懷帝遇害。四月懷帝凶問至長安。晉愍帝即位。改元建興。建興四年九月漢大司馬劉曜攻長安。十一月晉帝曰。當忍耻出降。以活士民。曜送晉帝至平陽。漢主聰以晉帝為光祿大夫。封懷安侯。丁丑年十二月愍帝遇害。戊寅年漢主聰卒。太子粲即位。為靳封所殺丞相劉曜即皇帝位。年曰光初。還都長安。改國號曰趙。以單于為祖。石勒進爵為趙王。至是東晉成帝咸和三年趙主曜圍守洛陽。

趙
號
十一月石勒引兵救洛陽。戰擒趙主曜。載以馬輿。至襄國殺之。已丑年正月趙太子熙聞曜被擒。遂帥百官走上邽。諸圭陝西鞏昌關中路。古邽地也。關中大亂。將軍蔣英辛恕據長安。遣使降於石勒。九月後趙中山公石虎大破趙兵於義渠。乘勝追擊。執趙太子劉熙。及其將王公卿校以下三千餘人皆殺之。秦隴悉平。漢趙劉氏起自晉。惠帝太興甲子。終成帝咸和已丑合二十六年。

庚寅	咸和五年	王衡二十年	石勒即帝位 建平元年	前涼	前燕	代 魏元元年 追尊曰烈帝	二年
辛卯	咸和六年	王衡二十一年	建平二年				三年
壬辰	咸和七年	王衡二十二年	建平三年		燕慕容皝立		四年
癸巳	咸和八年	王衡二十三年	勒建平四年 七月卒			代	五年
甲午	咸和九年	王衡二十四年	海陽王弘立 雄卒 延熙元年				六年

乙未	咸康元年	漢改元曰漢虎立	七年
丙申	咸康二年	王恒元年 建武元年	八年
丁酉	咸康三年	王恒三年 建武三年	代後元年
戊戌	咸康四年	李壽立 漢興元年 建武四年	拓跋什昱建 建武元年 追尊曰成帝
學箴	晉司徒王導以李充為丞相掾。充以時俗崇尚浮虛，乃著學箴以爲老子云：絕仁棄義，民復孝慈。豈仁義之道絕，然後孝慈乃生哉？蓋患乎情仁義者寡，而利仁義者衆，將寄責於聖人而遺累乎陳迹也。凡人見形者衆，及道者鮮，逐迹逾篤，離本逾遠，故作學箴以祛其蔽。曰：名之攸彰，道之攸廢，乃損所隆，乃崇所替，非仁無以長物，非義無以齊耻。仁義固不可遠，去其害仁義者而已。 <small>趙麟李</small>		
晉光祿勳顏含以老遜位，致仕二十餘年。至是十月卒，壽九十三歲。郭璞嘗過含，欲爲之筮，含曰：年在天，位在人，修己而天不與者，命也。守道而人不知者，性也。自有性命，毋勞耆龜。			

巳亥	咸康五年	漢李氏 後趙石氏 前涼張氏 前燕	代 建國二年
晉司徒王導卒，導有弟曰道寶，辭榮爲僧，以學行顯。 <small>高僧</small>			
庚子	咸康六年	漢興三年 建武卒	三年
辛丑	咸康七年	漢興四年 建武七年	四年
壬寅	咸康八年	漢興五年 建武卒	五年
康帝	岳成帝母弟，自琅琊王即帝位。在位二年，壽二十三歲。 <small>建元</small>		二
亮陰不言，委政庾冰，封成帝子不爲琅琊王，奕東海王。			
癸卯	建元元年	漢興六年 建武卒	六年
甲辰	建元二年	前涼 前涼 代	七年
孝宗穆帝	昇平元年正月朔，帝加元服。太后歸政，壽十九。 <small>昇平五</small>		

乙巳

帝在位二十七年李執

建武十年

前涼 稱王 前燕 代

丙午

永和二年

嘉寧元年 建武十一年

重華立

代

丁未

永和三年

一桓温滅之 合四十五年

建武十一年

代

大成

改李特巴西人少仕晉西晉惠帝太安二年據益州廼州西

漢

元年十月雄即成都王位改元建興以其叔父驥為太傅追尊父特

為成都景王晉惠帝先熙元年成都王雄即皇帝位年曰晏平國號

大成尊特曰景皇帝東晉成帝咸和九年雄卒太子班即位其弟安

東將軍李期謀作亂因班夜哭弑之於殯宮期即皇帝位謚雄曰武

皇帝廟號太宗晉成帝咸康元年幽公期改年曰玉恒改國號曰漢

晉咸康四年漢中穆文帝李壽殺期自立改元漢興晉咸康七年漢

主壽以其子執領大將軍錄尚書事晉康帝建元二年李執立年曰

太和至是晉永和二年漢年曰嘉寧十一月晉安西將軍桓温伐漢

晉永和三年三月温兵至成都縱火燒其城門漢人惶懼無復鬪志

執自稱洛陽李執諸軍門降温送執及其宗室十餘人於建康封歸

義侯國滅成起自西晉惠帝太安二年癸亥終

於東晉穆帝永和三年丁未五主合四十五年前燕慕容代

戊申

永和四年

後趙石氏前涼張氏

建武四年

代

佛圖澄和尚

天竺國人也西晉懷帝永嘉四年至洛陽自言百歲餘

塞之夜則拔綿出允以自照每臨溪從孔出腸胃洗濯還納腹中會

洛陽寇亂潛伏草野時石勒屯葛陂多殘殺澄杖錫謁勒勒命試以

道術澄取滿鉢水呪之俄青蓮華生鉢中勒神敬之延於軍中東晉

成帝咸和三年劉曜圍守洛陽勒自救之扣澄澄曰佛塔無風一鈴

獨鳴曰秀支替戾岡僕谷劬禿當此羯語也軍出獲劉曜勒戰果獲

曜載之襄國咸和五年勒稱大趙天王行皇帝事奉澄彌加篤敬號

曰大和尚勒愛子斌病死將殯勒嘆曰朕聞號太子死扁鵲能生之

今可得効乎乃令告澄澄取楊枝沾水灑之執斌手曰可起矣斌乃

甦遂起自是勒諸子多在澄寺中養之晉咸和八年七月勒殂弟虎

字季龍襲位徙都鄴今彰德縣尤傾心事澄至是晉永和四年澄將

去世請辭季龍驚曰大和尚遽棄我國有難乎澄曰出生入死道之

常也修短分定無由增損但道貴行全德貴不怠苟道德無玷雖死

釋氏皆古各

卷二

二

如生成無焉千歲尚何益哉然可恨者國家存心佛理建寺度僧當蒙福祉而布政猛虐賞罰交濫特違聖典致國祚不延也季龍號慟嗚咽十二月八日澄安坐而逝壽一百七十歲入道一百九

年度弟子道安法師等七千餘人自大教東來至澄而盛饗

後趙奪前涼 前燕慕容代 雋元年

巴酉

晉永和五年 石勒上黨人郡晉寧路潞州初與八騎歸漢劉氏西晉懷帝永嘉四年漢主劉聰即皇帝位以勒為并州刺史

襄國

後趙石勒上黨人郡晉寧路潞州初與八騎歸漢劉氏西晉懷帝永嘉四年漢主劉聰即皇帝位以勒為并州刺史曰冀寧路冀州

勒殺漢將王彌聰大怒然猶加勒鎮東大將軍東晉元帝大興元年漢主聰卒丞相劉曜即皇帝位進勒爵為趙王大興二年勒據燕薊號襄國稱元年晉成帝咸和三年勒年曰太和趙主劉曜圍守洛陽十一月勒救洛陽曜為勒將石堪所執輿至襄國殺之晉咸和五年勒稱大趙天王行皇帝事九月即皇帝位改元建平建平二年四月勒如鄴將營新營建平四年七月勒卒太子弘即位是為海陽王改元延熙夜以勒喪潛瘞山谷莫知其處備儀衛虛葬於高平陵謚曰明帝廟號高祖八月趙主弘以中山王虎為丞相魏王加九錫總攝百揆弘在位一年明年九月趙魏王虎立改元建武都于鄴至是晉帝永和五年正月趙主虎改元太寧既而病卒太子世號之即

再閔 號魏

位彭城王遵子也長廢世為譙王尋殺之遵即位以義陽王鑒為侍中武興公閔都督中外諸軍事初趙主遵許以武興公閔為太子十月遵立太子衍閔益恨望十一月閔帥甲士執遵於南臺殺之立義陽王鑒以閔為大將軍封武德王晉永和六年正月武德王再閔即皇帝位改元永興國號大魏後趙始東晉元帝大興二年巳卯終穆帝永和七年辛亥六主合三十三年載勸閔大名路滑州內黃縣人本姓冉趙主勒獲之命弟虎養以為子閔至是復姓冉庚戌年三月後趙石祗聞冉閔篡位於鄴乃即帝位於襄國改元永寧十月冉閔伐襄國明年辛亥石祗將劉顯殺祗自立稱帝壬子年冉閔攻殺劉顯閔在位三年前燕慕容雋進兵攻閔獲之國滅冉魏不在十六國占據之列載閔

庚戌

晉永和六年 秦符洪趙魏冉閔前涼張氏前燕慕容代 將也據長安 永興元年 氏

荆州 金像

二月有佛金像現于荆州司馬桓温迎之不動時江陵滕駿捨宅為寺命法師曇翼主之翼率眾拜請捧之飄然輕舉安奉本寺感應傳并圖經

辛亥

晉永和七年 洪卒子健稱 永興二年 天王皇始元年

壬子 晉 永和八年

健即皇帝位 皇始元年 永興三年

前凉 前燕 燕即皇帝位 代 元璽元年

方外交

法師支遁字道林。業精般若。時謝太傅安王右軍羲之與之厚善。謝安守吳興日。書抵遁略曰。思君日積。比辰尤甚。知欲還剡自治。為之愴然。人生如寄耳。自頃風流得意。事殆磨滅。都盡。唯終日戚戚。遲君一來。以晤言消遣之。一日千載也。東晉哀帝興寧二年十月沙門竺潛辭闕還剡山。詔遁繼講法於禁中。一時名士殷浩。郗超。孫綽。桓彥表。王敬仁。何充。王坦之。袁彥伯。並與結方外交。天下想見其標致也。晉廢帝太和二年。遁抗表辭闕還山。有詔資給。敦遣諸公祖餞于征虜亭。投迹越之剡山。於沃州小嶺立寺行道。僧眾稟學。時有惰者。遁著銘以勗之。有曰。勤之勤之。至道非彌。茫茫三界。渺渺長羈。謹守明禁。抗志無為。云云。有遺其馬者。畜之。曰。吾愛其駿耳。有遺其鶴者。縱之。曰。冲天之物。豈耳目玩哉。君子多其達。後出山陰。講維摩經。許詢為都講。難義數反。聽者欽服。壽五十三入滅。戴逵過其塔。嘆曰。德音未遠。而拱木已繁。計神理綿綿。不與氣運俱盡也。傳。

癸丑 晉 永和九年

越蘭前秦符氏 皇始三年

前凉祚立前燕 和平元年 二年

代

甲寅 晉 永和十年

前秦符氏 皇始四年

前凉稱王前燕 和平二年 元璽三年

代

懺悔 沙門帛法橋。誦經乏聲。懺悔七晝夜。禱觀世音菩薩。以求顯報。至七日喉內豁然。自是晝夜諷詠。聲徹里許。年踰九十。聲通婉響。傳。

乙卯 永和十一年

健卒 生立 壽光元年

靚立 建興元年 元璽四年

丙辰 永和十二年

壽光二年

建興二年 元璽五年

丁巳 昇平元年

帝堅立 生卒 永興元年

建興三年 遷都于鄴代 光壽元年

戊午 昇平二年

永興二年

建興四年 光壽二年

己未 昇平三年

甘露元年

建興五年 光壽三年

庚申 昇平四年

甘露二年

建興六年 雋卒 暉立代 建熙元年

辛酉 昇平五年

五月 帝崩

甘露三年

玄靚奉 晉正朔 建熙二年

哀帝

丕。成帝長子。封琅琊王。穆帝無嗣。皇太后以王奉大統。隆和元年即位。餌長生藥。藥發不能親政。褚太后臨朝。壽二十五。興寧三年

壬戌

帝在位四年。隆和元年

甘露四年

建熙三年

代

癸亥

興寧元年

甘露五年

天錫

建熙四年

甲子

興寧二年

甘露六年

建熙五年

乙丑

興寧三年

建元元年

建熙六年

代

晉王坦之捨園宅為安樂寺。釋慧受化之也。弘明集

廢帝

奕。哀帝母弟。哀帝無子。太后命之為嗣即位。桓温畜不臣。太和元年。諷褚太后廢帝為東海王。又封海西公。壽四十五歲。五

丙寅

帝在位六年。太和元年

建元二年

前涼

建熙七年

代

十誦戒本三部

秦西域沙門曇摩持。訛。海譯出。韓。齋

丁卯

晉太和二年

前秦符氏建元三年

前涼張氏前燕慕容氏代建熙八年

道猷

沙門竺道猷。即帛道猷也。初止剡之石城山。是年又移台州始豐赤城山。矜台。坐禪石室。有群虎蹲於前。猷誦經一虎獨睡。猷以如意扣其頭。云何不聽經。經畢虎皆去。尋有大蛇十圍。竟來環遶。舉頭向猷。猷半日而去。一日有男子來前曰。弟子夏帝之子。居此二千餘年。今

推室以奉

往寒石山。輒推室以相奉。遂鳴鞞穴。伯凌雲而去。猷於東晉武帝太元八年入寂。傳本

戊辰

太和三年

建元四年

前涼

前燕建熙九年

代

虎丘

釋慧常譯比。晉安西將軍桓温主簿王珣及弟珉丘尼傳六卷。捨宅為寺。平江路虎丘山是也。摺經

醫術。沙門于法開。是年入寂。開蘭公弟子也。善放光般若經。尤精醫法。穆帝嘗召之視脉。知其不起。乃不醫。或問曰。師高明。剛簡。何以醫術經懷。開曰。明六度以除四魔之病。調九候以療風寒之疾。自利利人。不亦可乎。傳本

己巳

太和四年

建元五年

建熙十年

庚午 晉 太和五年

前秦 建元六年

前凉

前燕 建熙十二年 代

晉辛未年十一月桓温自廣陵詣建康。諷褚太后請廢帝。立丞相會稽王昱。詔進温丞相大司馬留京師輔政。温乃辭仍請還鎮姑孰。紀

慕容廆。廆 昌黎鮮卑人。世受晉封號。東晉元帝大興二年廆

都督東夷置僚屬。晉成帝咸和八年慕容皝 胡廣立。至丁酉年

皝稱王。皝雅好文學。親臨庠序。講授考校。晉穆帝永和四年十一月

皝卒。世子雋即位。遣使詣建康告喪。晉帝詔遣謁者陳光拜雋為燕

王。雋以戊申歲稱元年。壬子年雋滅石趙。十一月雋即皇帝位。稱元

璽元年。丁巳年雋遷都鄴。鄴 德鄴 碣石 虎之 都也。改元光壽。庚申

年正月昭帝雋卒。大司馬慕容恪受遺詔輔太子。暉即位。改元建熙

暉曰幽帝是也。己巳建熙十年燕太傅慕容評忌吳王慕容

垂威名。又與評廷爭怨隙。太后可足渾氏與評密謀誅垂。垂與子弟

姪俱奔秦。秦主苻堅大喜郊迎。乃以垂為冠軍將軍封賓從侯。初晉

攻燕。燕求救於秦。許割虎牢以西賂秦。晉兵既退。燕人悔之。秦主堅

大怒帥兵伐燕。十二月進攻洛陽。建熙十一年正月燕荊州刺史武

威王統以洛陽降秦。六月再伐燕。燕敗。十一月秦主堅入鄴。燕主暉

出降。十二月秦主堅遷慕容暉及燕后妃王公百官於長安。封暉為

新興侯。其餘封授各有差。廆起自晉惠帝太安二年

癸亥。終東晉廢帝太和五年庚午。四主合六十八年

太宗簡文帝 昱。元帝少子也。封會稽王。康帝崩太后詔王總萬機。進位

統。桓温擅權。帝以仁。帝造佛像立寺。建齋度僧。建 咸安

恕。處之壽五十三歲。康長于寺建佛塔壯麗。弘明 二

辛未 晉十月帝立改曰前秦苻氏奄有中 有前凉張氏 代

咸安元年 建元七年 代

壬申 咸安二年 七月前秦 帝崩 建元八年 前凉 代

建 晉許詢字玄度。帝重敬甚。每與清談。詢後身為僧

塔 名曇彥。浙東紹興建塔。彥壽一百二十歲。本傳

烈宗孝武帝 暉。簡文第三子。即位年十一。太元元年正月朔。寧康三

帝加元服。太后歸政。在位二十四年。壽三十五。太元二

年 寧康三年 太元二年

癸酉 晉 寧康元年

秦 建元九年

前凉

代

七月南郡宣武公桓温疾篤以弟冲領其衆。薨。冲稱温遺命以少子玄爲嗣。時方五歲。襲封南郡公。冲代温居任。盡忠王室。八月太后復臨朝。攝政。

甲戌 寧康二年

建元十年

前凉

代

竺

勅葬沙門

法師竺法潜。哀帝興寧二年。詔講般若經于禁中。潜著屐至殿。中人聚觀。嘆道德高風之盛。帝嘗強以衣冠。潜不允。

山

辭還剡山。其後支遁寓書求買沃州小嶺以歸隱。潜答曰。欲來當給。未聞巢由買山而隱也。至是年入寂。武帝下詔曰。法師理悟虛遠。風鑑清高。棄宰輔之榮。襲染衣之素。山居世外。篤勤匪懈。方賴宣道。以濟蒼生。奄從遷謝。用痛于懷。其賜緡錢十萬。助建瑩塔。凡中國勅葬沙門。自潜而始也。 贈

乙亥 晉 寧康三年

前秦 建元十一年

前凉

代

丙子 晉 太元元年

晉 朔帝前秦 符氏 建元十二年

前凉 張氏秦滅之 代拓跋珪是 合七十四年 年築城邑

○前凉

張軌字士彥安定人。涇州雍州之狼路。任晉爲散騎常侍。惠帝永寧元年正月爲凉州刺史。軌以時方多難。陰有保據河西之志。

故求爲凉州。癸亥年據之。愍帝建興二年。軌稱凉州牧。西平公。建興四年。張寔襲位。東晉元帝大興四年。弟茂襲位。晉明帝太寧二年。子駿襲位。晉穆帝永和元年。稱王。永和二年五月。西平忠成王張駿薨。官屬上世子重華爲凉州牧。西平公假凉王。永和九年十一月。西平敬烈公張華卒。世子曜靈纔十歲。右長史趙長等建議立長寧侯祚。重華庶兄也。廢曜靈爲凉寧侯。立祚爲凉州牧。改元和平。晉永和十年正月。張祚自稱凉王。置百官。郊祀天地。用天子禮樂。永和十一年。冲公靚立。年曰建興。至晉哀帝興寧元年。凉綽公張天錫殺靚而自立。至是武帝太元元年。符秦滅之。合七十四年。凉州隸今甘肅省雍州之域。

丁丑 晉 太元二年

前秦 建元十三年

晉書曰。至是九州之地。秦有其八。晉唯東南一隅耳。

廬山西林寺

晉釋慧永。初與遠公法師同依道安法師。至是永公先至潯陽。刺史陶範留之。憇廬山。捨宅棲止之。乃創寺口。

西林嶺上一室曰香谷傳

戊寅晉太元三年

前秦 建元十四年

代

都維那沙門竺道壹從竺法汰學。晉簡文帝俱深敬重。壹後止平江虎丘山。又適越州若耶溪。頃之郡守王蒼建嘉祥寺請居僧

首時號九州。毗奈耶律十卷是年竺法念法師譯之成

巳卯晉太元四年

前秦 建元十五年秦取晉襄陽得道代安法師并習鑿齒

庚辰 太元五年

建元十六年

代

沙門竺法義。王道孔敷承風敬友。帝嘗遣使徵請殿中講說經典。武帝每從而聽。是年入寂。帝賜錢十萬營塔葬新亭岡。今天安寺也。傳

辛巳太元六年正月帝立精舍殿內。延諸少門講道。

建元十七年

代

壬午晉太元七年

建元十八年

呂光據姑臧即代涼州也

前秦主堅遣左將軍呂光伐龜茲。迎鳩摩羅什法師。呂光遂據於姑臧。州也。號後涼。

癸未晉太元八年

呂光

代拓跋珪

甲申 太元九年 建元九年

呂光

後燕慕容代

遠法 師 雁門遠公法師是年抵江州路廬山

乙酉 太元十年

呂光

垂據中山代 珪

丙戌 太元十一年

建義二年

建興二年

丁亥 太元十二年

麟嘉年

建興三年

戊子 太元十三年

麟嘉年

建興四年

二十六祖不如蜜多尊者南印度天德王之次子也。既得度受法至東印度。彼王名堅固奉外道師長爪梵志

王觀白氣貫于上下。王曰此何瑞也。梵志曰魔來之兆。即集其徒曰。不如密多將入都城誰能挫之。其弟子曰我等各有呪術。可以動天地。入水火何患哉。祖至王曰師何為來。祖曰將度衆生。王曰以何法度。祖曰各以其類度之。時梵志即以幻法化大山於祖上。祖指之還壓其衆。梵志怖懼投祖。祖愍之。再指化山。山隨指滅。祖為王演說法要。俾趣真乘。時有婆羅門子年二十許。不知名氏。或自言瓔珞人。故謂之瓔珞童子。王與祖同輦而出。見瓔珞祖指謂王曰。此童子大勢至菩薩也。此聖之後復出二人。一人化南印度。一人緣在震旦。以昔因故。名般若多羅。吾今以正法眼藏付之。偈曰真性心地藏。無頭亦無尾。應緣而化物。方便呼為智。付法已辭。王曰吾歸寂滅。願王於最上乘毋忘外護。即跏趺而逝。化火自焚。王為收舍利。建塔瘞之。當此東晉武帝之世也。記宗

巴丑 晉 太元十四年

前秦苻氏後秦姚氏西秦軻歸呂氏

後燕 垂魏王

釋道安法師

常山扶柳衛氏子。世業儒。早失恃怙。依表兄。年十一出家。師事佛圖澄。讀書日記萬言。才辯無敵。性聰而貌醜。

時語曰。漆道人。驚四鄰。及澄卒。率徒衆渡河。依陸渾山。木食澗飲。至是武帝寧康元年。於襄陽立檀溪寺。建浮圖鑄銅像。帝聞安名。

詔曰。法師以道德照臨天人。使大法流行。為蒼生依賴。宜日食王公祿。所司以時資給。安固辭不受。已卯晉太元四年二月。秦主堅攻取襄陽。得安而喜。謂左右曰。吾以十萬師取襄陽。得一人半耳。左右問為誰。曰安公一人。習鑿齒半人也。安至長安。沙門萬數。各隨其師。為釋安曰。師莫如佛世尊也。應沙門宜以釋為氏。及增一阿含經。至乃云。四河入海。無復異名。四姓出家。同稱釋氏。與經符合。世益重之。已丑年正月晦日。命門徒具浴。忽有異僧出入隙中。安以生處問之。僧指西北。雲即開見樓閣如幻出。曰彼兜率天也。是夕有數百小兒。皆就浴而去。識者以為應真之侶也。二月八日。跏趺而逝。安每疏經義。必求聖證。安左臂有肉方寸隆起。如印。時號印手菩薩。著僧尼軌範。及法門清式二十。秀紫芝編年論曰。佛教之盛。由佛圖澄而四條世遵行之。麟。得安由安而得遠公。是三大士化儀全偉。

庚寅 晉 太元十五年

前秦苻氏後秦姚氏西秦乞伏 呂氏後燕 魏

廬山淨土念佛

始起此年詳見遠法師下

辛卯 太元十六年

建初元年

太初二年

麟嘉五年

建興七年

登國六年

壬辰 太元十七年 太初七年 建初元年 太初四年 麟嘉年 建興八年 登國七年

癸巳 太元十八年 太初八年 長卒太子興立 太初五年 麟嘉年 建興九年 登國八年

甲午 太元十九年 符崇滅後秦興延和元年 皇初元年 太初六年 麟嘉年 建興十年 登國九年

○前秦 符健略陽氏人。父洪仕後趙為都督。因石氏之亂。據有關右。東

附之。次年正月健即天王位。國號大秦。稱大單于。建元。皇始。分遣使

者問民疾苦。搜羅儻異。寬重歛之稅。罷無用之器。凡趙之苛政。民不

便者皆除之。壬子年正月健即皇帝位。甲寅年東海王雄卒。雄子堅

襲爵。堅至孝。博學多能。乙卯年六月健卒。謚曰景明皇帝。廟號高祖。

太子生即位。改元壽光。生暴虐飲酒無晝夜。乘醉視事。多所殺戮。群

臣得保一日如度十年。丁巳年六月太史令康權言於生曰。昨夜三

月並出。孛星入太微連東井。將有下人謀上之禍。生怒以為妖言。撲

殺康權。生夜對侍婢曰。阿法兄弟亦不可信。明當除之。婢以告堅。及

堅兄清河王法。法與特進梁平老及特進強汪帥壯士數百潛入雲

龍門。堅與尚書呂婆樓帥麾下三百人鼓譟繼進。宿衛將士皆舍仗

歸堅。堅兵引生置別室。生猶醉寐。廢生為越王。尋殺之。謚曰厲王。堅

以位讓兄法。法曰。汝嫡嗣且賢宜立。堅乃去皇帝之號。稱大秦天王。

改元永興。追尊父雄為文桓皇帝。母苟氏為皇太后。世子宏為皇太

子。以兄清河王法都督中外諸軍事。丞相錄尚書事。諸王皆降爵為

公。弟融為陽平公。子丕為當樂公。舉異才。修廢職。課農桑。恤困窮。禮

百神。立學校。旌節義。繼絕世。秦民大悅。己未年改元甘露。己丑年改

元建元。癸未東晉武帝太元八年。秦建元十九年也。大舉攻晉。堅大

敗而歸。乙酉年五月西燕慕容冲攻長安。堅自督戰。飛矢滿體流血

淋漓。冲縱兵暴掠關中。道路斷絕。千里無煙。堅出奔五將山。後秦王

姚萇遣驍騎將軍吳忠執堅。縊之於新平。州佛寺。堅子丕自鄴奔

長安。至晉陽。始知長安不守。堅已死。乃發喪。即皇帝位。改元太平。追

謚堅曰宣昭皇帝。廟號世祖。丙戌年九月燕之慕容永遣使於丕。假

道東歸。丕弗許。丕永戰於襄陵。丕敗。謀襲洛陽。時為揚威將軍。馮該

自陝邀擊。殺丕。十一月秦南安王苻登為丕發喪行服。即皇帝位。改

元太初。謚丕曰哀平皇帝。至是甲午年。實晉武帝太元十九年也。七

月後秦主姚興自陝西涇州如涇陽。與登戰於山南。執登。殺之。登太

子崇奔湟中。即皇帝位。改元延和。謚登曰高皇帝。崇為後秦姚氏所滅。合四十五年。

乙未

晉

太元二十年

後秦姚氏 西秦乞伏 三河年呂光 後燕慕容 魏 皇初二年 太初七年 麟嘉九年 建興十一年 登國十年

丙申

晉

太元二十一年 六月帝被弒

皇初三年 西秦乞伏 後涼 皇初五年 龍飛元年 慕容寶 魏建天子旌旗 永康元年 皇始元年

安帝

諱德宗武帝太子。太元二十一年九月即位。在位二十二年。壽三十七歲。隆安五年 義熙 元興三

丁酉

晉

隆安元年 南燕 南凉 後秦姚氏 西秦 西凉 後涼呂光 後燕 景昌 魏

戊戌

隆安二年

武帝德 據廣武 皇初五年

西秦 西凉 後涼呂氏 後燕盛 北凉 魏即帝位 龍飛三年 建平元年 神璽年 天興年

飾範 修寺

魏 太祖下詔曰佛法之興其來遠矣濟益之功冥及存沒神蹤遺法 魏信可依憑敕有司於京城建飾容範修整寺舍令信向之人有所 依止魏太祖於虞地造十五級浮圖又造開泰定國 二寺寫佛經論造千金像每日法集三百名僧 明

己亥

隆安三年

據廣固

南凉

後秦降帝 號稱王 西秦乞伏 西凉 後涼 後燕 北凉 魏

庚子

隆安四年

建平元年 建始元年 弘始二年

西秦乞伏 西凉 後涼 後燕 北凉 魏 元年 咸寧二年 長樂元年 天璽年 天興年

辛丑

晉

隆安五年

南燕 南凉 後秦姚氏 西秦乞伏 西凉 後涼 後燕 北凉 魏

建平元年 建始元年 弘始二年

西秦乞伏 西凉 後涼 後燕 北凉 魏 元年 咸寧二年 長樂元年 天璽年 天興年

○後凉

呂光略陽氏人仕符秦為左將軍東晉武帝太元十一年光有 將曰王穆據肅州酒泉自稱涼州牧光進攻酒泉克之光即三 河王位建元太安據姑臧州也肅州也改年曰麟嘉晉太元二十一年 六月三河王光即天王位是為武帝國號大凉改元龍飛以世子紹 為太子至是晉隆安三年十二月光卒太子紹即位太原公篡殺之 篡即天王位是為靈帝改元咸寧篡嗜酒好獵隆安五年呂超殺之 而立呂隆改元神鼎明年隆降 於後秦姚氏三主合一十七年

鳩摩羅什法師

龜茲國人初東晉武帝太元七年前秦主苻堅遣饒 騎將軍呂光伐龜茲國取師光回聞秦亂遂據姑臧

至是後秦主姚興滅呂隆而迎師師少時日誦三萬二千言隨母出 家徧遊西域淹貫群籍尤善大乘在龜茲日鄰國諸王會同每請師 說法必跪伏座前命師踐其肩而登座居後秦大闡經論秦主以師 為國師奉之如神親帥群臣及沙門聽師講經又請師翻譯西域經 論凡震旦宣譯師出者三百八十卷大營塔寺坐禪者常以千數公 卿以下率皆奉佛州郡化之癸丑晉帝義熙九年秦弘始十五年也

四月十三日師入滅壽七十歲師之弟子曰生肇融獻謂之什門四聖。加曇影慧嚴慧觀僧若道常道標謂之什門十哲。又有僧導僧因皆當世名匠也。師入滅日謂眾曰。所譯唯十誦律未及刪繁。若義契佛心。焚身之日。舌不焦壞。言訖而逝。閣維舌果不壞。若紅蓮色。師名鳩摩羅什。翻曰童壽。高僧傳。

○山神請戒

釋曇邕初仕符秦為衛將軍。堅南敗遂從道安法師出家。次事廬山遠公。後於廬山之西營立茅茨。偕弟子曇果沉

三皈
五戒

思禪門。忽有男子丰姿端雅。從者二十人來請五戒。邕知是山神。乃為秉爐授之三皈五戒。為說法要。神觀邕外國七筋。禮拜辭別。倏忽不見。三皈者皈依佛皈依法皈依僧。五戒者不殺不盜不淫不飲酒不妄語也。高僧傳。

壬寅

晉 南燕 南涼 後秦 西秦 乞伏 西凉 高 三年

癸卯

晉 南燕 南涼 後秦 西秦 乞伏 西凉 四年

甲辰

晉 南燕 南涼 後秦 西秦 乞伏 西凉 五年

標玄
纂位

晉隆安二年。南郡公桓玄。濫之。預豪橫。既克荆雍。表求領荆江二州。朝廷不能違。元興元年。朝廷以尚書令元顯鎮北將軍劉牢之。譙三尚之。將兵討玄於江陵。玄大驚。長史卞範之為玄定議。整兵至新亭。元顯兵潰。玄入京。總百揆。斬元顯等。二年二月。以玄為大將軍。九月。侍中殷仲文散騎常侍卞範之陰撰九錫文。及冊命。命玄相國總百揆。封十郡為楚王。加九錫。十一月。詔楚王玄行天子禮樂。卞範之為禪詔。使臨川王寶通帝書之。司徒王謐奉璽受禪。位于楚帝。出居永安宮。百官詣姑孰。踰揚州之域。勸進。十二月。玄即皇帝位。國號楚。建元永始。封帝為平固王。玄入建康宮。登御座。床忽陷。侍中殷仲文曰。將由聖德深厚。地不能載。玄大悅。玄遷帝於潯陽。州元興三年二月。月下邳太守劉裕何无忌劉毅青州主簿孟昶復晉室。進兵羅落橋。玄潛使殷仲文具舟於石頭。浮江南走。裕入建康。帥百官奉迎。乘輿誅玄宗族在建康者。玄至潯陽。逼帝西上。四月。劉毅何无忌襲破潯陽城。玄挾帝單舸西走入江陵。欲奔漢中。城內亂。玄僅得至船。荆州別駕王康產奉帝入南郡府舍。太守王騰之帥文武為侍衛。玄入蜀。至枚回洲。遇寧州刺史毛璠。喪迎。玄戰矢下如雨。益州督護馮遷抽刀擊玄。斬之。義熙元年二月。留臺備法。駕迎帝於江陵。至建康。以劉裕都督中軍事。劉毅左將軍。何无忌豫州刺史。劉道規荆州刺史。

四月裕旋鎮京口。義熙十二年十二月詔以劉裕為相國總百揆揚州牧封十郡為宋公備九錫之禮裕不受。

乙巳

晉南燕超南涼後秦西秦乞伏西涼李暠後燕北涼魏
義熙元年 太上年 弘昌四年 弘始七年 建初元年 始羣永安羣 天賜羣

秦

僧正悅眾僧錄

後秦法師道碧羅什弟子奉律精苦秦主重之自什公入關僧尼以萬數遂置僧正詔曰大法東流於今為盛僧尼寢多宜設綱領宣授遠規以濟頽緒碧法師早有學詣晚以德稱可為國僧正給與吏力資侍中秩傅軺羊車各二人又以僧遷禪慧為悅眾以法欽慧斌為僧錄班秩有差日加親信仗身白從各三十人
魏史

丙午 義熙二年 太上年 弘始八年

西秦乞伏 建初二年 夏赫連 後燕北涼魏

華嚴經

天竺北印度罽賓國尊者佛馱跋陀覺來遊華夏至是丙午歲抵長安鳩摩羅什倒屣迎之以相得遲暮為恨秦太子

佛馱跋陀

姚泓延至東宮對什公論法什公問曰法云何空答曰眾微成色色無自性故色即空又問既以極微破色空復云何破一微答曰以一微故眾微空以眾微故一微空沙門寶雲譯出此語不省其意皆謂跋陀所計微塵是常更申請之跋陀曰法不自生緣會故生緣一微

故有眾微微無自性則是空矣寧當言不破一微乎不契跋陀既渡江入匡山見遠公議論遠高之請出禪數諸經義熙十四年戊午因

嚴經

適江陵宋王劉裕請歸京都止謝司空道場寺三月吳郡內史孟顛等請尊者於寺譯華嚴經成六十卷宋高祖永初元年庚申六月畢譯經之時感二青衣童子每旦自庭沼中出炷香添瓶水不離座側暮則潛入沼中譯經畢絕跡不現
秀紫芝編年 華嚴感應記

法華經

是年五月羅什法師譯出成七卷什又出維摩經三卷華手經十三卷又出草堂寺譯出梵網經三卷

丁未

晉南燕南涼後秦西秦乞伏西涼夏勃後燕雲北涼魏
義熙二年 太上年 弘始八年 建初二年 正始元年 永安七年 天賜羣

後燕

慕容垂前燕主慕容皝第五子在燕封吳王聰敏智勇威名日振太傅慕容評與垂廷爭怨隙太后與評密謀誅垂東晉廢帝太和四年垂與子弟姪俱犇秦秦主苻堅大喜郊迎以垂為冠軍將軍封賓從侯東晉武帝太元八年秦主堅為晉敗歸至灑池垂言於堅曰北鄙之民聞王師不利輕相扇動臣請奉詔書以鎮慰安集之垂至安陽檮柂也潛與燕之故臣謀復燕祚會丁零翟斌叛秦次年正月斌等奉垂為盟主乙酉年吳王垂始定都真定中山府也冀州即皇帝位建元建興是時拓跋魏叛燕侵逼附塞諸部丙申晉太元

二十一年也。三月燕主垂親伐魏。四月卒於上谷之沮陽。還至中山。乃發喪。太子寶即位。曰閔帝。改元永康。戊戌年。武帝慕容盛即位。年曰建平。次年改曰長樂。辛丑年。昭帝熙光始元。年至是丁未年。懿帝高雲年。曰正始。國亂為馮跋篡滅之。合二十四年。馮跋號北燕。

天竺佛馱耶舍 此云覺明尊者 至姑臧。麟州。後秦弘始九年。遣使請者。尊者一無所受。時至分衛一食而已。而飾訖善毗婆沙論。而髡赤

衛分者。尊者一無所受。時至分衛一食而已。而飾訖善毗婆沙論。而髡赤時號赤髡毗婆沙。後至晉遊匡山。為遠公所重。甲寅。晉安帝義熙十年也。尊者躬自負鐵於紫霄峰頂鑄塔。以如來真身舍利藏其中。是時佛馱跋陀尊者亦以佛舍利五粒建塔於廬山東林寺北之上方。建塔時佛馱跋陀尊者亦以佛舍利五粒建塔於廬山東林寺北之上方。逮今皆存焉。廬山僧傳焉。

戊申 晉南燕南涼後秦西秦西涼夏赫連北燕北涼魏 義熙四年。太上皇嘉平元年。弘始十年。建初。單龍昇三年。據昌黎。永安年。天賜五年。

律師 天竺尊者名甲摩羅義 此云無至秦數年。今出遊關左。盛闡毗尼鳩摩羅什所譯十誦戒本。律藏大行者。義之力也。其所制內外禁輕重二卷。今行于世。義為入眼書。時號青眼律師。懃

巴酉 晉南燕南涼後秦西秦西涼夏赫連北燕北涼魏 義熙五年。滅。嘉平二年。弘始十一年。更始元年。建初五年。龍昇四年。太平二年。永安九年。永興元年。

南燕 丁酉年。晉安帝隆南燕慕容德。前燕主皝之少子也。據廣固。祐州。戊戌歲。稱元年。庚子年。德更名備德。即皇帝位。武帝年曰

建平。乙巳年。南燕主超。太上元年。己酉年。晉義熙五年。徐州刺史劉裕抗表伐南燕。明年正月。燕尚書悅壽說超降。超不從。悅壽開門納晉師。超走。追獲之。送建康。南燕平。合十三年。

魏 太祖道武帝珪為少子紹弒之。太宗明元帝嗣立。敕於京邑四方建立佛像。仍令沙門敷導民俗。魏

庚戌 義熙年 嘉平三年。弘始三年。更始二年。建初六年。龍昇五年。太平二年。永安年。永興二年。

辛亥 義熙年 嘉平四年。弘始四年。更始三年。建初七年。龍昇六年。太平三年。永安年。永興三年。

壬子 義熙年 嘉平五年。弘始五年。更始四年。建初八年。龍昇八年。太平四年。永安年。永興四年。

古樹禪定 釋慧持廬山遠法師之弟也。當晉隆安二年。辭遠公入蜀。止嘉州龍淵寺。白黑恭敬陞持之堂者。皆號登龍門。至是

義熙八年壬子。垂誠門徒遂入定于龍淵龕樹。至宋政和三年風折其樹。持乃出定。徽宗有贊偈三首。見政和年繫轉錄。

癸丑 晉 南燕 後秦 西秦 伏西涼 夏 赫連 北燕 北凉 魏 義熙九年 羣卒 弘始五年 永康年 建初九年 鳳翔年 太平五年 元始二年 永興三年

豎石聽講 羅什法師弟子道生。初涅槃經後品未至。生熟讀久之。曰阿闍提人自當成佛。此經來未盡耳。於時文字之師交攻

之。誣以為邪說。於律當擯。生袖手來晉。入平江虎丘山。豎石為聽徒講涅槃經。至闍提有佛性處。曰如我所說。義契佛心否。群石皆首肯。之後遊匡山。居銷景巖。聞曇識在北凉重譯涅槃

後品。至南京果言闍提皆有佛性。生喜慰不勝。辭

甲寅 義熙年 南凉 滅 始七年 永康年 建初年 鳳翔年 太平年 元始年 神瑞元年

○南凉 秃髮烏孤。河西鮮卑人。至是晉帝隆安元年。據廣武。今陝西鞏州。古雍州也。號南凉。戊戌年烏孤建元。太初庚子年。利鹿孤建和。元

年正月。欲稱帝。安國將軍綸勿崙曰。吾國上世以來。被髮左衽。無冠帶之飾。逐水草遷徙。無城廓室廬。故能雄視沙漠。抗衡中夏。利鹿孤

從之。乃更稱河西王。改元建和。以廣武公儁。為都督中外諸軍事。凉州牧。壬寅年。景王儁。立年曰弘昌。戊申年四月。後秦主姚

宗 與欲取儁。檀使尚書郎韋宗往覘之。論當世大略。縱橫無窮。宗退嘆曰。奇才英器。不必華夏。明智敏識。不必讀書。吾乃今知九州之外。五

經之表。復自有人也。歸言於興。凉州未可圖也。與不聽。遣兵襲儁。檀後秦兵大敗。十一月。儁。檀稱凉王大赦。改元嘉平。置百官。甲寅。晉義

熙十年也。儁。檀為西秦乞伏熾盤所殺。南凉滅。三主一十八年。

乙卯 晉 後秦 西秦 西凉 夏 北燕 北凉 魏 義熙十一年 始七年 永康年 建初十年 鳳翔年 太平年 元始四年 神瑞二年

廬山遠法師 諱慧遠。出鴈門。辟跋賈氏。少為儒生。博極群書。尤邃周

嘆曰。儒道九流。特粃糠耳。遂出家焉。安時門徒數千。遠居第一座。安嘗曰。使道流東國。其在遠乎。晉武帝甲申。太元九年也。前秦國亂。來

神助 遊於晉。抵江西。見廬山。愛之。乃止。江州龍泉精舍。次寓慧永之西林寺。復於山東。建東林寺。經營之際。山神降靈。願加資助。信宿風雷雨

作。晦冥大雨。明發就觀。良木殊材。駢羅其處。時晉將軍桓伊。初臨此牧。驚其神異。奏立寺焉。丙戌年寺成。時晉天下奇才多隱居不仕。聞

淨 廬山遠公之道。皆來從之。庚寅年。師謂劉程之等曰。諸君倘有心淨土之遊。當加勉勵。遂同發志於無量壽佛前。建齋立誓。期生淨土。由

鑿池 是僧俗凡一百二十三人。慕道同盟棲心物外。謝靈運於東林鑿二池以栽蓮華。遠公每送客不過虎溪。庚戌義熙六年也。道士陸修靜偕陶淵明入山見師。送之執手共話。不覺過虎溪。三人相顧大笑。今人圖之為三笑圖。淵明嗜酒入山久之。以山無酒攢眉而去之。至是乙卯歲八月初六日遠公合掌面西而逝。壽八十四歲。

謝靈運製碑。社眾數千人名跡尤著者十八人焉。鰻僧

○蓮華漏 遠公之門有僧慧要。患山中無刻漏。乃於水上立十二葉芙蓉。因波而轉。以定十二時。晷景無差。今日遠公蓮華漏是也。

丙辰 義熙三年 弘立西秦 西涼散夏 北燕 北涼 魏

丁巳 義熙三年 永和二年 永康年 嘉興年 鳳翔年 卒年 元始六年 太常二年

○後秦 姓姚氏名萇字景茂。赤亭菴人。弋仲第二十四子。兄襄既戰死。萇率諸弟降秦為秦將。東晉武帝太元八年。秦主苻堅攻晉以

兗州刺史姚萇為龍驤將軍督益梁州諸軍事。堅敗慕容垂謀復燕。緒。次年三月秦北地長史慕容泓叛奔關東。秦以左將軍竇衝為長史。龍驤將軍姚萇為司馬討泓。又討平陽太守慕容冲。秦兵大敗。萇懼奔渭北。馬牧天水尹緯尹詳南安龐演等糾扇羗豪帥其戶口歸

萇者五萬餘家。推萇為盟主。萇自稱後秦王。建元白雀。丙戌東晉大

也。四月萇自陝西鳳翔莊浪路涇州入長安。即皇帝位。改元建初。國號大秦。史以後秦別之。立子興為皇太子。置百官。癸巳建初八年十

二月萇卒。晉太元十太子興秘不發喪。自稱大將軍。帥眾伐秦。秦主

苻登大敗。次年五月興始發喪。即皇帝位。年曰皇初。謚萇曰昭皇帝。已亥年晉安帝隆九月興以災異屢見降號稱王。改元弘始。丙辰弘

始十八年正月興卒。太子泓即帝位。年曰永和。晉伐秦。晉帝義熙十三年五月泓將妻子群臣降于晉。後秦三主合三十四年。

戊午 晉義熙十四年 二月 弒帝 西秦 伏西涼 夏 北燕 北涼 魏 永康年 嘉興年 昌武元年 太平元年 元始七年 太常三年

恭帝 諱德文。字德文。安帝母弟也。封琅琊王。義熙十四年十二月。元熙宋公劉裕矯遺詔奉王即位。在位二年。禪于宋。壽三十七歲。二

已未 元熙元年 永康年 嘉興年 真興元年 卒年 元始六年 太常四年

○沙門法果。魏太宗敬之。前後授以輔國宜城子。忠信侯。號曰僧統。果固辭不受。太宗幸其居。以其門巷狹小。更廣大之。至是已未年入滅。老壽八十三歲。太宗三臨其喪。追贈老壽將軍趙胡靈公。儼傳

七月宋公裕進爵為王。次年帝禪位於宋王。裕奉帝為零陵王。後使人殺之。西東晉凡一十五帝。合一百五十五年。

右東晉十一主合一百三年歸于宋

南北朝

宋 劉姓都 ○ 高祖武皇帝 少帝 太祖文帝 武帝 廢帝 太祖明帝 廢帝 順帝 八主禪于齊

高祖武帝 諱裕字德興彭城人也。徐州漢楚元王交之後。永初庚申年六月受晉禪在位三年。壽六十七歲。三

庚申 宋 永初元年 六月 改元 西秦太祖西涼洵夏 北燕 北涼沮渠魏 建始元年 永建元年 真興元年 太平五年

辛酉 永初二年 建始二年 永建二年 真興二年 太平六年

壬戌 永初三年 五月帝崩 少帝即位 建始三年 永建三年 真興三年 太平七年

○ **西涼** 李暠字玄盛丙申年晉武帝太元據姑臧今甘肅省涼州也庚子年晉安帝隆安暠稱元年乙巳年晉安帝義熙元年西涼公暠徙都酒泉今甘肅省

蕭州年曰建初丙辰年晉義熙涼主歆立改元嘉興宋高祖永初元年涼主李恂永建元年。至永建三年為北涼滅之。合二十二年。暠嘗手令戒諸子以為從政者當審慎賞罰勿任愛憎近忠正遠佞諛勿使左右竊弄威福毀譽之來當研覈真偽聽訟折獄必和顏任理慎勿逆詐億勿輕視聲色務廣咨詢勿自專用吾莅事五年雖未能息民然含垢匿瑕朝為寇讐夕委心膂粗無負於新舊事任公平坦然無類初不為懷有所損益計近則如不足經遠乃為有餘庶亦無愧前人也職

少帝營陽王 義符武帝長子居喪無禮司空徐羨之等廢而弑之在位一年壽十九歲。景平

癸亥 宋 景平元年 西秦 夏赫連北燕 北涼 魏築長城 建始四年 真興五年 太平八年 太宗元

魏 嵩山道士寇謙之修張天師之術自言嘗遇老子降授以辟穀輕身之術及科戒二十卷使之清整道教謙之奉其書獻於魏主朝野未之信左光祿大夫崔浩獨師事之從受其術且上書贊明其事魏主欣然使謁者奉王帛牲牢祭嵩嶽迎至謙之史

太祖文帝 義隆武帝第三子封宜都王少帝既廢徐羨之等元嘉遙奉王即位於江陵在位三十年壽四十七歲紀三十

杯 帝造禪靈寺。沙門杯渡丙寅年九月人滅。葬建康覆渡。供千僧弘明集。舟山。渡初出冀州闡化四十餘年。騎僧

甲子 宋 元嘉元年

西秦 夏赫連北燕 涼 魏燾立
建始五年 真興六年 承十六年 元始十五年 始光元年

○ 八月吐谷渾威王阿柴卒。有子二十人。疾病召諸子弟謂之曰。我死汝曹當奉慕瓚為主。瓚阿柴母弟也。又命諸子各獻一箭。取一箭授其弟慕利延。使折之。又取十九箭一束。使折之。不能折。阿柴諭之曰。孤則易折。衆則難摧。汝曹當戮力一心。可以保國安家。言終而卒。慕瓚撫納秦涼失業之民。部衆轉盛。續漢書曰。阿柴羗三苗姜姓之別種也。

乙丑 宋 元嘉二年

西秦 夏昌 北燕 北凉 魏太武帝
建始六年 承光元年 承十六年 元始十五年 始光二年

丙寅 元嘉三年

建始七年 承光二年 承十六年 元始十五年 始光三年

丁卯 元嘉四年

建始八年 承光三年 承十六年 元始十五年 始光四年

靖節先生 陶元亮在晉名淵明。在宋名潛。世號靖節先生。侃之曾孫也。宅邊樹五柳。著五柳先生傳。以自況。爲彭澤縣令。是年

搜神錄 卒。壽六十三歲。居江州路德化縣柴桑山。近栗里。嘗著搜神錄。載佛靈跡。有子五人。儼侯。份。佚。佟。祖。茂。武昌太守。父姿。城太守。史逸其名。

戊辰 宋 元嘉五年

西秦 夏昌 北燕 北凉 魏太武帝
永弘元年 定勝元年 承十五年 承元元年 神鷹元年

○ 西秦 乞伏國仁鮮卑人。仕符秦。東晉武帝癸未太元八年七月。秦主堅攻晉。以國仁爲前將軍。會國仁叔父步願反於隴西。堅遣國仁還討之。國仁步願共僭一方。衆至十餘萬。甲申年國仁據金城。醜麟州也。乙酉年。建國號秦。秦年曰建義。己丑年。西秦武元王軌歸年。曰太初。晉安帝己酉。義熙五年。西秦年曰更始。壬子年。西秦主太祖織盤年曰永康。宋高祖永初元年。西秦年曰建始。至是元嘉五年。纂末年曰永弘。爲赫連夏所滅。四主合四十五年。

○ 大夏 匈奴左賢王之後。曰勃勃。丙午年。黠晉安帝義據朔方。號大夏。明年。建元曰龍昇。癸丑年。夏主勃勃乃以叱于阿利頌將作大監。發嶺北夷夏十萬人。築都城於朔州。隸河東山西道西涼曰朕方統一天下。君臨萬邦。宜名新城。曰統萬。改年曰鳳翔。勃勃自謂其祖從母姓。爲劉非禮也。古人氏族無常。乃改姓赫連氏。謂帝王係天爲子。其徽赫與天連也。至宋元嘉二年。軻昌立。年曰承光。承光三年

元魏奚斤與夏平原公定相持於長安。戊辰年昌改元定勝。魏帝壽乘虛攻統萬。夏主昌兵潰。昌奔上邽。魏主入統萬。獲夏公卿后妃宮人以萬數。馬疋牛羊數千萬頭。府庫珍寶不可勝計。至是宋元嘉五年二月魏平北將軍尉繚勿眷攻昌於上邽擒之。送昌至平城。魏主館昌於西宮門內。器用給乘輿之副。以妹初平公主妻之。賜爵會稽公。夏合二十四年國滅。赫連氏即屈丐也。

巳巳 元嘉六年

北燕 北凉 魏 泰三年 承三年 神曆三年

庚午 元嘉七年

北燕 弘 北凉 神曆四年

辛未 元嘉八年

北燕 弘 北凉 神曆四年 天雅二年 義和元年

持齋。宋帝詔促求那跋摩尊者。中印赴京。至是正月。至建康。引對文帝。送勞殊勤。問以佛道。一日問曰。寡人常欲持齋不殺。以身應物。不獲所願。師幸教之。尊者曰。道在心不在事。法由已不由人。且帝王所修與匹夫異。匹夫倘不克己苦節。何以爲用。帝王以四海爲家。萬民爲主。出一嘉言。則士庶咸悅。布一善政。則人神以和。刑不天命。役不勞力。則風雨時若。百穀滋繁。以此持齋齋亦大矣。以此不殺利亦多矣。安

在轍半日之食。全一禽之命。然後爲弘濟耶。須貽勤儉爾。帝撫几嘆曰。俗迷遠理。僧滯近教。如師之言。可論天人之際矣。帝自是尊之爲師。命居祇洹寺。供給隆厚。繼而於寺講法華經。并十地品。帝率公卿日集座下。以聽法。法席之盛。前此未有也。弘明

壬申 元嘉九年

北燕 北凉 魏太武帝 天雅二年 義和元年

癸酉 元嘉十年 宋謝靈運死

天雅三年 牧捷 承和元年 延和二年

甲戌 元嘉十一年

大雅單 承和元年 延和三年

乙亥 元嘉十二年

大雅奉 承和元年 太延元年

丙子 元嘉十三年

大雅奉 承和元年 太延二年

○北燕 馮跋冀州人。郡南河。北道真定。路冀州。一仕後燕。丁未年。練義熙。年。後燕國亂。跋遂篡滅之。乃據昌黎。谷。平。麟。鄴。號北燕。巳酉年。曰太平元年。至是宋帝元嘉八年。北燕昭帝弘立。年。曰大雅。大雅六年。爲元魏所滅。合二十八年。

丁丑 元嘉十四年

北涼 魏 承和五年 太延三年

戊寅 元嘉十五年

承和六年 太延四年

○宋

文帝謂其臣丹陽尹何尚之曰適見顏延之宗炳著論發明佛法甚為名理並是開獎人意若使率土之濱皆感此化朕則垂拱坐

致太平矣夫復何事尚之因進曰夫百家之鄉十人持五戒則十人

淳謹千室之邑百人修十善則百人和睦持此風教以周寰區編戶億千則仁人百萬夫能行一善則去一惡去一惡則息一刑一刑息於家萬刑息於國則陛下之言坐致太平是也

何遜

已卯 元嘉十六年

北涼 承和七年 太延三年

○北涼

段蒙胡人東晉安帝丁酉隆安元年據張掖號北京稱河西王年曰神璽已亥年改元天璽辛丑年武宣王沮渠蒙遜立改元

永安壬子年遷都姑臧改年曰元始戊辰年改元承玄庚午年蒙遜遣貢于元魏辛未年改元義和壬申年元魏遣安西將軍李順使涼

還魏主問以涼事順曰蒙遜經涉艱難粗識機變然禮者德之與敬者身之基也蒙遜無禮不敬以臣觀之不復年矣癸酉年蒙遜卒子

燉煌太守牧犍即河西王位改元承和牧犍即外脩臣禮內實乖情

已卯年三月魏主討涼六月魏主至姑臧九月牧犍兄之子萬年師所領降魏姑臧城潰牧犍帥其文武五千人面縛請降魏主釋其縛而禮之三主合四十四年張掖今甘州路也姑臧涼州也燉煌涼州

路也並隸甘肅省雍州之域

經圖

庚辰 元嘉十七年

魏世祖太武皇帝燾 太宗長子 太平真君元年

辛巳 元嘉十八年

太平真君二年

壬午 元嘉十九年

西域獻帝火浣布 袈裟帝時自衣之

太平真君三年

癸未 元嘉二十年

太平真君四年

甲申

元嘉二十一年太子率更始 令何承天撰元嘉新曆

太平真君五年

乙酉 元嘉二十二年

太平真君六年毀殘佛教

丙戌 元嘉二十三年

太平真君七年

丁亥 元嘉二十四年

太平真君八年

戊子 元嘉二十五年

太平真君九年

己丑 元嘉二十六年

太平真君十年

庚寅 元嘉二十七年

太平真君十一年 族司徒崔浩等

辛卯 元嘉二十八年

正平元年 正平二年二月太武遇弒

白足沙門

諱曇始。一曰惠始。魏書佛老志云。沙門惠始清河張氏子。始師鳩摩羅什法師。晉劉裕滅後秦復為夏赫連屈丐追

取長安道俗被坑戮而始接刃無傷。屈丐大怒召始於前以佩刀自擊之又不能害乃懼而謝罪。百姓賴始慈力免諸酷毒。魏太武平赫連昌。白足歸魏。初魏太平真君六年太武討盪吳之亂。至長安見僧寺有兵仗。武怒司徒崔浩因而勸太武盡誅沙門毀諸經像。太平真

君十一年崔浩自恃才略譏國史書魏之先世事列於衢路刊石立於郊壇。北人無不忿恚太武以浩暴揚國惡大怒使有司按浩及秘書郎更等罪狀。凡一百二十八人皆夷五族。是時白足謁太武武怒命斬之不能傷武自抽佩刀斬之又不能傷投詣虎檻虎皆弭服。武驚延始上殿悔謝飯敬。先是景穆太子為政精察中常侍宗愛性愴惡多不法搆扇太子太子以憂卒太武徐乃知之追悼不已宗愛懼誅。正平二年二月弒太武尚書源賀陸。白足跣行泥滓。鹿勒兵誅愛奉皇孫濬即帝位改元。魏書。不染故名。高僧。

壬辰 宋 元嘉二十九年

魏高宗文成皇帝濬景穆太子之子 興安元年

魏興安元年。群臣多請復釋氏之教。詔曰夫為帝王者必祇奉明靈。顯彰仁道。其能惠著生民。濟益群品。雖在位古。猶序其風。烈是以春秋喜崇明之禮。祭典載功施之族。况釋教如來。功濟大千。惠流塵境。尋生死者。歎其達觀。覽文義者。貴其妙門。助王政之禁律。益仁智之善性。排撥群邪。開演正覺。故前代已來。莫不崇尚。亦我國家常所尊事。今制諸州郡縣。眾居之所。各聽建佛圖。其有好樂佛法。欲為沙門者。聽出家。大州五十人。小州四十人。於是曩所毀佛圖。率皆修復。饒請。又敕有司於五級大寺。為太祖已下五帝鑄銅佛像。各一丈。

復釋氏教

道人 六尺帝親為沙門師賢等五人
統 下髮以師賢為道人統魏書

癸巳

元嘉三十年二月太子劭謀
逆帝殂武陵王討劭斬之

魏 興安二年

世祖孝武帝

駿文帝第三子封武陵王刺江州三月王會兵討元劭
四月王即帝位于新亭在位十一年壽三十五歲帝博該

學問省讀書奏。
七行俱下魏書

○ 孝建三
大明八

甲午 孝建元年

正月 改元

魏 興光元年

分置

宋

分揚州浙東五郡置東陽州治會稽分
荆湘江豫州之八郡置郢州治江夏魏書

乙未

孝建二年

詔沙門道猷為
安鎮寺法主僧傳

太安元年

丙甲

孝建三年

太安二年

傳講

華嚴經釋疏

釋元暢魏滅教歸宋來揚州止明因寺
作華嚴經釋疏傳講迄今暢其始也僧傳

丁酉 大明元年

魏 太安三年

二十七祖般若多羅尊者

東印度人也得法已行化至南印度王名
香至崇奉佛乘迎祖尊重供養施以寶珠

王有三子。曰月淨多羅。曰功德多羅。曰菩提多羅。祖以施珠問三王
子。此珠圓明有能及否。第一第二王子同曰。此珠七寶中尊。固無踰
也。第三王子菩提多羅曰。此是世寶未足為上。於諸寶中法寶為上。
此是世光未足為上。於諸光中智光為上。此是世明未足為上。於諸
明中心明為上。此珠光明不能自照。要假智光光辯於此。既辯此已
即知是珠。既知是珠。即知其寶。若明其寶。寶不自寶。若辯其珠。珠不
自珠。珠不自珠者。要假智珠而辯世珠。寶不自寶者。要假智寶以明
法寶。然則師有其道。其寶即現。眾生有之心。寶亦然。祖歎其辯慧。乃
復問曰。於諸物中何物無相。曰。於諸物中不起無相。又問於諸物中
何物最高。曰。於諸物中人我最高。又問於諸物中何物最大。曰。於諸
物中法性最大。適香至父王厭世。眾皆號絕。維菩提多羅於柩前入
定七日而出。遂求出家。既受具戒。祖告之曰。如來以正法眼付大迦
葉。如是展轉。乃至於我。我今囑汝聽吾偈曰。心地生諸種。因事復生
理。果滿菩提圓。花開世界起。祖付法已。即於座上起立。舒左右手各

放光明二十七道三色晃耀。踊入虚空高七多羅樹。化火自焚。空中舍利如雨。取以建塔。當此宋孝武帝之世也。証宗尊者嘗因東印度國王請齋。王問曰。諸人盡轉經。師何不轉經。尊者曰。貧道出息不隨眾緣。入息不居蘊界。常轉如是經。百千萬億卷。不但一卷兩卷。

戊戌 宋 大明二年

魏

太安四年

禁酒犯者斬。凶吉二事容釀。此

巳亥 大明三年

太安五年

庚子 大明四年

路昭皇太后造普賢像成

和平元年

辛丑 大明五年

和平二年

壬寅 大明六年

和平三年

癸卯 大明七年

和平四年

甲辰 大明八年

五月庚申帝崩太子即位

和平五年

廢宋 太子諱子業。即皇帝位。年十六歲。改元景和。又改永光。乙巳年十一月。主衣阮佃夫姜產之等弑帝。崩。廢在位一年。湘東王彧即位。

太宗明帝 彧。文帝第十一子。封湘東王。壽寂之等既弑廢帝。奉王即位。在位七年。壽三十四歲。泰始一

乙巳 宋 泰始元年

十一月改元即廢帝永光年也

魏和平六年五月帝殂。帝度僧尼三萬餘人。興佛教。修舊寺。魏顯祖獻文皇帝。弘高宗長子。即位年

丙午 泰始二年

十二馮太后臨朝。天安二年。六月開

子 湘東王既即位。袁顥奉表勸晉安王子勛即位。大位。建牙於桑尾。後檄建康。至是劉琨帥將佐上尊號。晉安王子勛即皇帝位。於潯陽。州

改元義嘉。四方貢計皆歸潯陽。朝廷所保唯丹陽淮南等數郡。朝廷以建安王休仁都督征討諸軍事。沈攸之為潯陽太守。將兵討子勛。

既而劉琨為荊州前軍長史。張悅詐而殺之。諸軍至潯陽。斬晉安王子勛。傳首建康。子勛年十一歲。

寶公大士

諱寶誌。世稱寶公尊之也。手足鷹爪。初建康東陽民朱氏之婦。聞兒啼。鷹巢中。梯樹得之。舉以為子。七歲依鍾山僧。

儉出家。專修禪觀。至是顯跡。以剪尺拂扇掛杖頭。負之行聚落。嘗遇食。鱸者從而求食。啗者遺而薄之。誌即吐水中。皆成活魚。今江中回

魚是也。居多神異。至梁武帝天監十三年十二月六日入滅。壽九十
三歲。梁武皇帝以金二十萬易建康鍾山之獨龍岡葬之。建浮圖五
級於其上。勅王筠勒碑。葬之日。車駕親臨。祭奠。道俗奉祀。奇瑞顯應。
為天下第一。凡大士所作偈句。多著南史。為學者述大乘贊十篇。科
頌十四篇。并十二時歌。盛行於世。宋太宗太平興國七年。帝遣使致
齋鍾山。親灑製文讚敬。詔曰。自今宜顯尊異。賜號道林真覺菩薩。調
法師曇宗入滅。宋武帝大明二年。正旦。謂宗曰。朕何罪。勞卿懺。宗曰。
舜稱予違爾弼。禹曰。萬方有罪在予一人。陛下寧得有異。帝大悅。縱
罪。

丁未 泰始三年

皇興元年

魏丁未年。馮太后還政。魏主始親國事。改元。勤於為治。賞罰嚴明。拔
清節。黜貪汙。魏國稱治。於長安北臺起永寧寺塔。七級。高三十丈。
又於天宮寺作佛像四十三尺。用銅七萬斤。黃金六百斤。北史

戊申 泰始四年

帝造湘宮寺成

皇興二年

巳酉 泰始五年

皇興三年

庚戌 宋 泰始六年

魏 皇興四年

辛亥 泰始七年

魏高祖孝文皇帝宏。獻文長子。五歲受禪位。延興元年。

魏辛亥年六月。顯祖獻文皇帝弘。聰慧夙成。剛毅有斷。雅好黃老。浮
城王雲子推之弟也。對曰。父子相傳。其來久矣。若授旁支。恐非先帝
之意。乃奉皇帝璽綬。傳位於太子宏。太子生五歲。改元延興。群臣奏
太上。曰。昔漢高祖稱皇帝。尊其父為太上皇。明不統天下也。今皇帝幼冲。
萬機大政。猶宜陛下總之。謹上尊號曰太上皇帝。徙居崇光宮。宮在
北苑。中建鹿野浮圖於苑中之
西山。與僧居之時。談禪理。魏書

壬子 泰豫元年

四月帝崩太子立方十歲

延興二年

上皇討蠕蠕破之。柔然也。

宋

明帝嘗造佛丈六金像。旦食常齋。日誦般若。爰感舍利。造弘普寺。

蒼梧王

昱。明帝太子。生十歲即位。在位五年。數出遊行。小有忤意。即加屠割。一日不殺。則慘然不樂。殿省憂惶。食息不保。丁巳年七月。

戊子夜帝令左右楊玉夫伺織女渡河。見當報我。不見將殺汝。是夕玉夫伺帝熟寢。與楊萬年弑帝。壽十五歲。右衛將軍蕭道成以皇太后令追封昱為蒼梧王。迎安。元徽。成王準即皇帝位。時年九歲。五。

癸丑 元徽元年

魏 延興三年

甲寅 元徽二年

延興四年

圖

魏囚獄或積年。群臣頗言之。上皇曰。滯獄誠非善治。不猶愈於倉猝而濫乎。夫人憂苦則思善。故智者以囹圄為福堂。朕特苦之。欲其

改悔而加矜恕耳。虬

乙卯 元徽三年

延興五年

丙辰 元徽四年

承明元年 二月太上皇崩 馮太后復臨朝

魏顯祖獻文皇帝雲中造建明寺。四方諸寺一千餘所。度僧尼七萬七千人。弘明集

順帝

準字仲謀。明帝第三子。封安成王。即位年九歲。昇明。以蕭道成為司空。錄尚書事。在位三年。壽十二。三。

丁巳 昇明元年

元徽五年也 七月改昇明

魏 太和元年

戊午 昇明二年

太和二年

昇明二年。右長史王儉知蕭道成意。乃唱議使中書舍人虞整作詔。進道成假黃鉞。大都督中外諸軍事。太傅領揚州牧。已未年三月。以太傅蕭道成為相國。總百揆。封十郡為齊公。加九錫。四月。進爵為王。詔禪位于齊王。帝不肯出宮。王敬則勒兵殿庭。以版輿入迎。帝泣而禪。誓曰。願後身世世勿復生天王家。宮中大哭。帝乘畫輪車出。就東邸。司空褚淵等奉璽。授詣齋宮。勸進齊王。即皇帝位於南郊。奉宋順帝為汝陰王。築宮。丹陽置兵守衛。衛士殺王。以疾聞。紕。

右宋八主合五十九年禪于齊

齊 蕭姓都 太祖高皇帝 武帝 鬱林王 海陵王 明帝 建康 東昏侯 和帝 七主合二十三年

太祖高皇帝

諱道成字紹伯。蘭陵人。漢蕭何二十世孫。受宋禪在位四年。壽五十六。 建元四

己未

齊 建元元年

宋昇明三年也六月改元 魏 太和三年

庚申 建元二年

太和四年

辛酉 建元三年

太和五年

壬戌 建元四年

三月 帝殂

太和六年

誦經 造寺

齊帝誦持般若。書寫法華經。四月八日鑄佛金像。七月十五日普寺供僧。造陟屺正觀二寺。勸賦餅。

世祖武帝

諱贖字宣遠。高帝長子。壬戌年三月即位在位十一年。壽五十四歲。

永明十

癸亥 永明元年

太和七年

甲子 永明二年

太和八年

齊

以竟陵王子良為護國將軍。兼司徒領兵置佐鎮西州。子良清尚。傾意賓客。才儻之士。篤重佛氏。每招致僧侶講論佛法。尊法之盛。

江左未之有也。親為眾僧賦食行水。齋請。

乙丑 永明三年

魏 太和九年

丙寅 永明四年

太和十年

丁卯 永明五年

太和十一年

戊辰 永明六年

太和十二年

己巳 永明七年

太和十三年

庚午 永明八年

太和十四年

辛未 永明九年

太和十五年

文明馮太后崩帝依古禮服喪三年

壬申 永明十年

太和十六年

魏帝命群臣議行次。中書監高閭議以為帝王莫不以中原為正統。不以世數為與奪。善惡為是非。故桀紂至虐不廢夏商之歷。厲惠至昏無害周晉之錄。晉承魏為金。趙承晉為水。燕承趙為木。秦承燕為火。秦之既亡。魏乃稱制。玄朔且魏之得姓出於軒轅。臣愚以為宜為土德。秘書丞李彪著作郎崔光等議以為神元與晉武往來通好。至于桓穆志輔晉室。是則司馬祚終於郊廓。而拓跋受命於雲代。昔秦并天下。漢猶比之共工。卒繼周為火德。况劉石符氏地福世促。魏承其弊。豈可捨晉而為土邪。司空穆亮等皆請從彪等議。於是詔承水德。丙子年。魏太和二十年。詔以為北人謂土為拓。氏為跋。魏之先出於黃帝。以土德王。故為拓跋氏。夫土者黃中之色。萬物之元也。宜改姓元氏。諸功臣舊族自代來者。姓或重複。皆改之。於是始改拔氏為長孫氏。逮奚氏為奚氏。乙未氏為叔孫氏。丘穆陵氏為穆氏。步六孤氏為陸氏。賀賴氏為賀氏。獨孤氏為劉氏。賀樓氏為樓氏。勿忸于氏為于氏。尉遲氏為尉氏。其餘所改不可勝紀。至西魏恭帝廓去年號。但稱元年。復姓拓跋氏。凡九十九姓。改為單者。皆復其舊。甲戌年。魏帝南過比于墓。祭以太牢。自為文曰。嗚呼。介七胡不我臣。

癸酉 永明十一年 七月 帝祖

魏太和十七年。帝以平城地寒。六月。下雪。十月。如鄴。議遷都洛陽。平城。今西京路也。

○齊鬱林王

皇太孫也。諱昭業。文惠太子之長子。癸酉年七月立。甲戌年正月。改元隆昌。不親政事。狂縱。西昌侯鸞諫之不從。乃欲誅鸞。七月。鸞乃引兵入雲龍門。弑帝於西弄。以太后令追廢為鬱林王。迎文惠第二子新安王昭文。即帝位。時年十五歲。改元延興。封

海陵

宣城王。宜入承寶命。帝可降封海陵王。十一月。海陵殞。

高宗明帝

鸞。太祖兄始安真王之子。少孤。高帝撫育。如己子。封西昌侯。在位五年。壽四十。

建武四 永泰一

甲戌

建武元年

十月 改元

太和十八年十一月

帝至 洛陽

乙亥

建武二年

太和十九年

封孔

魏帝如魯祠孔子。選孔氏宗子一人。封崇聖侯。奉孔子祠。幸徐州。白塔寺。寺有道登法師。入滅。下詔傷悼。施絹千疋。齋一切僧。京城七

僧齋

道觀

丙子 建武三年

太和二十年 魏改姓元氏

兩詔不起 齊釋 慧基明皇帝兩詔不起。就於會邑龜山立寶林精舍。嘗為文宣王著法華疏義。十一月入寂壽八十五歲。高僧傳

丁丑 建武四年

太和二十一年 帝立子恪為皇太子

建少林寺 魏 西竺中印度佛陀禪師。黜志愛嵩嶽。帝勅就少室山立少林寺居。師度弟子僧稠慧光。僧傳

戊寅 永泰元年

太和二十二年

僧稠 齊帝在位持齋修十善。誦法華般若二經。建歸依寺。造千金像。寫佛經。坊

東昏侯 寶卷明帝第三子。建武元年十一月立為皇太子。即帝位而失德。在位二年被弑壽十九。

已卯 永元元年

太和二十三年 四月孝文帝殂

侍女法齋 魏帝建寺奉齋。造安養寺於鄴。六宮侍女持六齋。精進誦經。慕道者放令出家。帝度僧尼萬四千人。魏書

庚辰 齊 永元二年 十二月 帝遇害

魏世宗宣武帝恪孝文第二子立 景明元年

是時崔慧景據廣陵。反。荆州刺史蕭懿舉兵入援。擊斬慧景。以懿為尚書令。嬖臣茹法珍等憚懿威權。譖懿。十月賜懿死。懿曰。家弟在雍。深為朝廷憂之。蕭衍刺雍州在襄陽。聞兄懿死。即日建牙集眾。帝使蕭穎胄討之。穎胄乃與衍合。次年辛巳三月奉南康王即皇帝位于江陵。改元中興。加蕭衍征東大將軍都督征討諸軍事。假黃鉞直抵建康。十二月帝遇害。衍以宣德太后令廢為東昏侯。

和帝 諱寶融。明帝第八子。封南康王。出刺荆州。辛巳年春三月即皇帝位。壬午年春正月。進大司馬。蕭衍位相國總百揆。揚州牧。封十郡為梁公。備九錫。二月進爵為王。帝東歸至姑熟。誣下詔禱位于梁王即皇帝位。泰帝為巴陵王。尋殺之。在位一年壽十六歲。

辛巳 中興元年 帝三月即位 魏 景明二年 年二月禪于梁

右齊七主合二十三年禪于梁

梁 蕭姓都 高祖武帝 太宗簡文帝 世祖元帝 建康 敬帝 四主

高祖武帝

諱衍字叔達蘭陵人仕齊封梁王。天監十普通七大通二中大通六受齊禪在位四十八年壽八十六。大同十中大同一大清三

壬午

梁天監元年

二月詔寶公大士闕下魏改元行化不許禁止齋

景明三年

癸未

天監二年

景明四年

雲光

建康法雲寺雲光法師。凡講經天雨花如雪片。帝於含光殿焚疏請

法師

誌公

大士

慈悲懺法

梁帝初為雍州刺史時夫人郗氏性酷妬既亡至是化為巨蟒入後宮通夢於帝求拯拔帝閱佛經為製慈悲道場

懺皇

懺

甲申 天監三年

魏

正始元年

懺悔

奉佛

梁帝四月八日率道俗陞重雲殿披露懺悔親製願文奉佛三寶於本第立光宅寺鑄金銅佛大像奉祀魏明

乙酉

梁天監四年

魏

正始二年

金山水陸大齋

初梁帝夢僧告之曰六道四生受大苦惱何不為作水陸大齋而救拔之帝扣諸沙門寶誌公曰尋經必

有因緣帝取佛經躬自披覽創造儀文三年乃成於夜捧文停燭白

佛曰若此文理協聖凡願拜起時此燈自明或儀式未詳燈暗如故

言訖投地一禮燈燭皆明至是二月十五日於今鎮江金山寺依

儀修設帝臨地席詔祐律師宣文利洽幽明至今遵行焉魏集江

丙戌

天監五年

梁太子統生五歲能遍誦五經

正始三年

丁亥

天監六年

正始四年

鐘聲

息苦

梁帝假寶公神力見地獄苦相問何以止之寶公曰唯聞鐘聲其苦暫息於是詔天下寺院擊鐘舒徐其聲

戊子

天監七年

永平元年

己丑

天監八年

永平二年

魏西竺沙門菩提流支。此云覺希。詔居紫極殿。譯論魏帝於式乾殿。講維摩經。時魏朝專尚釋氏。洛陽中國沙門之外。西域來者三千餘人。帝別立永明寺。房舍千餘間。居之。延昌時。凡郡州佛寺一萬三千餘所。僧至二百萬。虬

名僧

庚寅 天監九年

帝敕沙門寶唱撰魏

永平三年

建寺

梁帝為太祖文皇帝鍾山建大愛敬寺。供給千僧。獻太后青溪西岸起大智度寺。諸尼師四時講誦。弘明

辛卯 天監十年

永平四年

佛檀像

梁帝遣郝騫等往天竺。國迎佛旃檀像。其王模刻一像付騫。是年至建康。帝迎奉太極殿。建齋度僧。大赦斷殺。帝從是蔬食斷慾。鐵通

壬辰 天監十一年

延昌元年

傳大士

齊明帝建武四年五月八日生。婺州義烏縣雙林鄉傅宜慈家。名翕。字玄風。號善慧。至是壬辰十六歲。娶劉氏。有子二人。

曰普建。普成。梁普造。元年年二十四。泝水於稽亭塘下。西域沙門嵩頭陀引之。臨水觀影。圓光寶蓋。法從其盛。心感悟之。遂於松山之頂。

因雙稠樹創庵而居。名曰雙林。自號雙林樹下當來解脫善慧大士。種植蔬果。為人傭作。晝作夜歸。與妻妙光敷演佛法。苦行七年。至大通二年。弟子日眾。大士欲導群品。乃化妻子鬻身。助設大會。中大通六年。大士遣弟子傅晔詣闕奉書。有詔赴闕。閏十二月到建康。帝聞大士神異。預鎖諸門。大士以木槌扣一門。諸門悉啓。直入善言殿。帝問師事從誰。答曰從無所從。師無所師。事無所事。帝為設食。竟上鍾山。定林寺。詔令資給。大同五年。大士再入都。三月。帝召見壽光殿。共論真諦。大士曰。息而不滅。帝又請講金剛經。大士揮按一拍而起。帝不喻。再請講。大士乃索拍版。陞座。唱四十九頌。遂便去。逮今頌行于世。大士一日頂冠披衲。鞞履。帝問是僧邪。士以手指冠。帝曰。是道邪。士以手指鞞履。帝曰。是俗邪。士以手指衲衣。辭闕而還。大同十年。大士設大法會。普為眾生懺滅罪苦。速得解脫。大士以佛經目繁多。人或不能遍閱。乃建大層龕。中心立一柱。啓八面。而實諸經。謂之輪藏。立願曰。登吾藏門者。生生世世不失人身。發菩提心者。能推輪藏。即與持誦諸經功德無異。今之輪藏。設大士像。始此也。大士於陳宣帝大建元年四月。告普建。普成。二法師等曰。我從第四天來。為度眾生。汝等慎護三業。精勤六度。行懺悔法。免墮三塗。至二十四日。入于涅槃。壽七十三。闍維。收舍利。頂骨。葬雙林。今成大道場。大士偈語並行。

藏 輪 懺 會 建 會 懺 罪 輪 藏

於世嘗著心王銘其辭曰觀心空王玄妙難測無名無相有大神力能滅千災成就萬德體性雖空能施法則觀之無形呼之有聲為大法將心戒傳經水中鹽味色裏膠青決定是有不見其形心王亦爾身內居停面門出入應物隨情自在無礙所作皆成了本識心識心見佛是心是佛是佛是心念念佛心佛心念佛欲得早成戒心自律淨律淨心心即是佛除此心王更無別佛欲求成佛莫染一物心性雖空貪瞋體實入此法門端坐成佛到彼岸已得波羅蜜慕道真士自觀自心知佛在內不向外尋即心即佛即佛即心心明識佛曉了識心離心非佛離佛非心非佛莫測無所堪任執空滯寂於此漂沉諸佛菩薩了此安心明心大士悟此玄音身心性妙用無能改是故智者放心自在莫言心王空無體性能使色身作邪作正非有非無隱顯不定心性雖空能凡能聖是故相勸好生防慎刹那造作還復漂沉清淨心智如世黃金般若法藏盡在身心無為法寶非淺非深諸佛菩薩了此本心有緣遇者非去來今

癸巳 梁 天監十二年

魏 延昌二年

甲午 天監十三年

延昌三年

乙未 梁 天監十四年

魏 延昌四年正月帝崩太子即位立年六歲尊母胡氏為皇太后臨朝

誦經延壽 梁釋智藏法師初遊建康帝召見深加敬禮帝為寶誌大藏乃竭精修道專誦金剛般若波羅蜜經至厄之年俄空中曰承般若力得倍壽矣果然壽終六十二歲敕葬獨龍山寶公寺之左由是江左道俗皆持誦金剛般若經感應

丙申 天監十五年

魏 肅宗孝明帝詡宣武第二子 熙平元年

魏世宗宣武帝作瑤光寺未就歲胡太后建永寧寺皆在官側又作石窟寺於伊闕口金像高丈六尺者一如中人者十玉像二為九層浮圖高九十丈上刹復高十丈靜夜鈴鐸聲聞十里自佛法入中國塔廟之盛未有也

石像 梁越州隱岳寺十丈石佛像初齊明帝建武中僧護造成面樸而亡次有僧淑襲其未成至是建安王捨金委僧祐成之

丁酉 天監十六年

熙平二年

佛名

梁帝勅法師僧紹撰衆經目錄四卷。勅沙門寶唱撰比丘尼傳四卷。又撰衆經佛名三卷。

織錦

梁

三月帝敕織官文錦不得爲僂人鳥獸之形。裁剪有乖仁恕。紀

素饌

四月梁武皇帝詔以宗廟用牲牢有累冥道。宜皆以麵爲之。八座朝議以大脯代一元大武。十月詔以宗廟猶用脯修。更議代之。於是以大餅代大。今之茹素辦脯。其餘盡用蔬果。紀。食者本此也。

戊戌

天監十七年

神龜元年

弘明集

梁沙門僧祐律師自齊初大弘律法。至是帝深加禮敬。祐年衰脚疾。勅肩輿入內殿。爲六宮受戒。五月二十六日入寂。壽七十四歲。師有三藏記法苑記世界記釋迦譜弘明集等並行於世。高僧傳

受戒

巳亥

天監十八年

神龜二年

慧約法師別號

梁帝曰道資人弘。理無虛授。事藉躬親。民信乃立。慧約法師德高人世。道被幽冥。四月八日延師於等覺

別號

殿受菩薩戒。復設無遮大會。帝自受戒後。日唯一食。食止蔬菜。寢居殿所。淨如沙門。帝普通四年。制中外毋斥法師。慧約名別號。智者沙門別號。自法師始。帝大同元年九月六日。智者慧約國師入滅。壽八十四。夏六十三。帝素服臨喪。哭之輟朝一七日。其月二十九日。詔葬獨龍山。誌公墓左。從師得戒者四萬八千人。服總麻。哭送葬所。帝大同二年。勅改法師所居竹山里爲智者里。釋迦傳

高僧傳

梁帝勅御史裴子野撰名僧傳二十卷。會稽釋惠皎著高僧傳十四卷。始漢永平。終於是歲。凡四百五十餘載。二百五十

七人。附見者二百餘人。入大藏流行。麟江

建寺

魏胡太后令諸州各建五級浮圖。諸王貴宦各建寺於洛陽。太后勤設齋施。魏

庚子

梁普通元年

正光元年

魏帝

帝加元服。命沙門曇無最。道士姜斌講道於禁中。魏史

西天二十八祖東土初祖菩提達磨尊者

南天竺國香至王第三子。姓刹帝利。本名菩提多羅。

二十七祖般若多羅至其國受其父王供養得所施珠試其所言祖謂之曰汝於諸法已得通量夫達磨者通大之義也宜名菩提達磨且止南天待吾滅後六十七載當往震旦棟上設大法藥護菩提者不可勝數磨於是恭稟教義服勤左右垂四十年殆祖順世演化本國時有二師一名佛大先一名佛大勝多俱同學於佛陀跋陀小乘禪觀佛大先既遇般若多羅尊者捨小趣大與達磨並化號二甘露門而佛大勝多更分徒為六宗一曰有相宗二曰無相宗三曰定慧宗四曰戒行宗五曰無得宗六曰寂靜宗各封已解別展化源達磨嘆彼六宗纏於邪見一一詣彼開化之六眾開悟咸誓皈依時國王名異見磨之侄也初信外道達磨化之歸正既而念震旦緣熟行化時至辭於侄王王為具大舟實以珍寶汎重溟三週寒暑達于南海當此梁普通元年九月二十一日也傳燈曰七年廣州刺史蕭昂迎禮表聞武帝覽奏遣使迎請次年十月一日至建康帝問曰朕即位以來造寺寫經度僧不可勝紀有何功德祖曰此但人天小果如影隨形雖有非實帝曰如何是真功德祖曰淨智妙圓體自空寂帝曰如何是聖諦第一義祖曰廓然無聖帝曰對朕者誰祖曰不識帝不領悟祖知機不契是月十九日潛之江北十一月二十三日屆洛陽

三詔不起

當魏孝明帝正光二年也寓止嵩山少林寺而壁而坐魏明帝三詔之祖終不起就賜磨肉袈裟祖亦不受使三返帝強授之時有僧神光者博覽群書善談玄理問祖住止乃往參承是年十二月九日夜天大雪光堅立庭中遲明積雪過膝祖憫之問曰久立雪中當求何事光泣曰願和尚慈悲開甘露門廣度群品至於斷臂哀懇祖因以易名曰慧可乃曰諸佛法印可得聞乎祖曰諸佛法印匪從人得可曰我心未寧乞師安心祖曰將心來與汝安可良久曰覓心了不可得祖曰我與汝安心竟久之祖為慧可等略辯大乘入道四行其辭曰夫入道多塗要而言之不出二種一理入二行入理入者謂藉教悟宗深信含生同一真性但為客塵妄想所覆不能顯了若捨妄歸真凝住壁觀無自無他凡聖一等堅住不移更不隨於文教此即與理寫行無有分別寂然無為名之理入行入者有四一報寬行二

一報寬行

隨緣行三無所求行四稱法行謂報寬行者凡修道人若受苦時當念我從往昔無數劫中棄本逐末流浪諸有多起寬憎違害無限今雖無犯是我宿殃惡業果熟非天非人所能見與甘心忍受都無怨恨作是觀時與理相應體寬進道故名報寬行隨緣行者眾生無我並緣業所轉苦樂齊受皆從緣生若得勝報榮譽等事皆是過去夙因所感緣盡還無何喜之有得失從緣心無增減喜風不動冥順於

二隨緣行

無所 道名隨緣行無所求行者。世人長迷處處貪着。智者悟真安心無為。萬有皆空無所希冀。三界九居猶如火宅。有身皆苦誰得而安。無為

此處息念無求。故經云有求皆苦。無求乃樂。是則無求真為道行。故名無所求。行稱法行者。性淨之理。因之為法。此理眾相斯空。無染無着。無此無彼。經云法無有我。離我垢故。智者信解此理。應當稱法而行。法體無慳於身命財。行檀捨施。心無慳惜。達解三空。不倚不着。但為無垢。稱化眾生。而不取相。此為自行亦復利人。莊嚴菩提之道。檀

施既爾。餘五亦然。為除妄想。修行六度。而無所行。是名稱法行。是後祖欲返西竺。命門人曰。時將至矣。汝等盍各言所得。時諸叅侍各陳

所見。最後慧可出禮三拜。依位而立。祖乃顧慧可而告之。曰。昔如來以正法眼付迦葉大士。展轉囑累。而至於我。我今付汝。汝當護持。并授汝袈裟。以為法信。各有所表。宜可知矣。可曰。請師指陳。祖曰。內傳

法印。以契證心。外付袈裟。以定宗旨。慮後代之疑競。指吾西天之人。言汝此方之子。憑何得法。以何證之。汝今受此衣法。却後難生。但出

此衣。并吾法。偈用以表明。其化無礙。至吾滅後。二百年衣止不傳。法過沙界。明道者多。行道者少。說理者多。通理者少。潛符密證。千萬有

餘。汝當闡揚。勿輕未悟。一念回機。便同本得。聽吾偈曰。吾本來茲土。傳法救迷情。一花開五葉。結果自然成。楞伽經四卷者。蓋如來極談

法要。亦可以與世開示。悟入。今并付汝。吾本離南印。來此東土。為法求人。際會未諧。如愚若訥。今得汝傳授。吾意已終。乃與徒眾往禹門

十聖寺。止三日。有期。城太守楊銜之問。祖曰。西天五印。師承為祖。其道如何。祖曰。明佛心。宗行解。相應名之曰祖。又問。此外如何。祖曰。須

明他心。知其今古。不厭有無。於法無取。不賢不愚。無迷無悟。若能是解。故稱為祖。又曰。弟子歸心三寶。亦有年矣。適聽師言。罔知攸措。願

師慈悲。開示宗旨。祖知懇到。即說偈曰。亦不觀惡。而生嫌。亦不觀善。而勤措。亦不捨智。而近愚。亦不拋迷。而就悟。達大道。兮過量。通佛心

兮出度。不與凡聖。同躔。超然名之曰祖。銜之聞偈。悲喜交并。曰。願師久住世間。化導群有。祖曰。吾即逝矣。不可久留。銜之禮辭而去。祖於

是奄然長逝。魏幼主釗與孝莊帝廢立之際。當梁大通之二年十月五日也。其年十二月二十八日。葬洛陽嵩州之熊耳山。起塔於定林

寺。魏遂以其喪告梁。梁武帝即賜寶帛。悉詔宗子諸王。以祭禮而供養之。太子為之文。其略曰。洪惟聖胄。大師。荷十力之智印。乘六通

而泛海。運悲智於梵方。拯顛危於華土。後三歲。魏使宋雲者。奉使西域。回遇祖於葱嶺。手攜隻履。翩翩獨逝。雲問之。答曰。西天去。雲歸具

說之。門人起壙。空棺隻履存焉。詔取遺履。供養於少林寺。梁武帝聞祖化跡。親為製碑。至唐代宗皇帝謚號圓覺大師。塔曰空觀。記宗

祖化跡親為製碑。至唐代宗皇帝謚號圓覺大師。塔曰空觀。記宗

辛丑 普通二年

九月帝建同泰寺

正光二年

帝造大覺寺於鄴都

壬寅 梁 普通三年

魏 正光三年

行正光曆

西域

魏胡太后於丙申熙平元年遣宋雲偕比丘惠生往西域求未至經自洛陽西行四千里至赤嶺乃出魏境又西行再期至乾羅國而還得佛經一百七十部至北二月回達洛陽魏國通有佛經四百十五部合一千九百一十九卷魏書佛老志并經略

癸卯 普通四年

正光四年

甲辰 普通五年

正光五年

乙巳 普通六年

孝昌元年

丙午 普通七年

孝昌二年

梁 昭明太子統初惠義殿於東宮招天下名僧居之帝賜法師慧超為壽光學士梁傳

丁未 梁 大通元年

帝建同泰寺成

魏 孝昌三年

孝昌四年三月帝遇弒改年曰永安

戊申 大通二年

魏 敬宗孝莊帝子攸 永安元年

高歡

魏 戊申年正月帝惡鄭儼徐紇等密詔爾朱榮舉兵內向榮以高歡為前鋒行至上黨帝復以私詔止之鄭儼徐紇恐禍及已謀酖帝三月帝暴殂太后立皇女為帝復下詔稱實皇女改立故臨洮王寶暉世子釗始生三歲爾朱榮聞之大怒謂元天穆曰主上晏駕春秋十九海內猶謂之幼君况奉未言之兒以臨天下欲求治安可乎三月爾朱榮元天穆迎彭城宣武王之子長樂王子攸於河橋即皇帝位是日敬宗改元永安榮遣爾朱覆姓其先契胡部落大人代騎害太后及幼主於河陰魏書為首帥居爾朱川因之以為姓也

己酉 梁 中大通元年

魏 永安二年 七月帝始入宮

勅 梁三月二十七日法雲法師遷寂壽六十三二官悲慟勅給葬東園祕器凡百喪事皆從王府勅葬定林寺側立銘誌焉魏書 梁九月帝幸同泰寺設四部無遮大會行清淨大捨群臣祈白三寶奉表請帝還官梁本紀

庚戌 中大通二年

魏十月立長廣王改建明元年
十二月爾朱兆害莊帝

魏孝莊帝既外逼於爾朱榮恒怏怏又懲河陰之難密有圖榮之意八月榮與元天穆入朝帝手刃之天穆俱死內外喜噪聲滿洛陽百僚入賀十月汾州刺史爾朱兆聞兄榮死自汾州帥騎據晉陽爾朱世隆兆共推太原太守長廣王曄即皇帝位改元建明十二月兆輕兵倍道兼行扣宮門執莊帝遷晉陽縊殺之史北

辛亥 中大通三年

四月太子統卒

魏 節閔帝恭 普泰元年
安定王朗 中興元年

魏二月廣陵王恭好學有志度關西大行臺薛孝通說爾朱世隆立之是時世隆鎮洛陽乃以長廣王之命禪位于廣陵王恭獻文帝之孫是日節閔帝改元普泰封長廣王曄為東海王高歡起兵討爾朱兆以兆弑孝莊也孫騰說歡曰今朝廷隔絕號令無所稟不權有所立則眾將沮散歡乃立渤海太守安定王元朗為帝即位於信都真旋路冀州也高改元中興以歡為侍中丞相都督中外諸軍事歡以安安定王元朗疎遠乃使僕射魏蘭根慰諭洛陽觀節閔帝之為人欲復奉之蘭根以節閔神采高明於後恐難制因而與高乾兄弟乃崔

陵共歡廢之歡遂幽節閔帝於崇訓佛寺便立孝莊孫廣平王之子平陽王脩是為孝武帝使安定王元朗作詔策而禪位歡醜節閔於門下省葬用殊禮並害元朗高歡信都冀州人也初自魏孝明帝孝昌三年劉賁薦之於討虜大都督爾朱榮榮擢用之初葛榮部眾流入并潁者二十餘萬為契胡陵暴皆不聊生謀亂不止爾朱兆患之問計於高歡歡曰宜選王腹心使統之兆遂以其眾委歡歡以兆醉言恐醒而悔之遂出宣言受委統鎮兵可集汾東受號令乃建牙陽四川軍士素惡兆而樂屬歡莫不皆至及歡之討兆也永熙二年兆奔彰德路韓陵山投林中殺所乘白馬自縊於樹高歡親臨而厚葬之魏書

壬子 中大通四年

魏 孝武帝修史日出帝
永熙元年四月改元

癸丑 中大通五年

永熙二年

梁二月二十六日帝幸同泰寺講金剛經三七日設
道俗無遮大會三十一萬九千六百四十二人儀燄

甲寅 中大通六年

西魏 永熙三年東魏孝靜帝
帝奔長安 天平元年

魏孝武帝永熙三年正月。中軍將軍王思政言於武帝曰。高歡之心昭然可知。洛陽非用武之地。宜就宇文泰於長安。帝深然之。乃廣徵州郡兵。東郡太守裴俠帥所部詣洛陽。王思政問曰。今權臣擅命。王室日卑。奈何。俠曰。宇文泰為三軍所推。居百二之地。所謂已操戈矛。肯授人以柄。雖欲投之。恐無異避湯而入火也。思政曰。如何而可。俠曰。圖歡有立至之憂。西巡有將來之慮。且至關右徐思其宜。七月。歡覺其變。引兵渡河。孝武遂帥南陽王寶炬。清河王亶。廣陽王湛。直深以五千騎西奔。宇文泰備儀衛迎帝。遂入長安。高歡入洛陽。舍於永寧寺。十月。魏丞相歡又奉表於孝武帝曰。陛下若遠賜一制。許還京洛。臣當帥勒文武。式清宮禁。若返正無日。則七廟不可無主。萬國須有所歸。臣寧負陛下。不負社稷。帝亦不答。歡乃集百官耆老。立清河王亶之世子善見為帝。孝文帝之曾孫也。年十一。即位於城東北。改元天平。遷都于鄴。孝武都長安。與僕射宇文泰有隙。十二月。飲酒遇鴆歿。年二十五。泰奉太宰南陽王寶炬即皇帝位。魏書

元魏 姓拓跋氏。其祖本北狄鮮卑。胡人也。秦漢之前。未嘗與中國通。魏明帝景初年間。始與之和親。晉初。有拓跋倚廬。出居樓煩。惠帝太安二年。乃拓跋祿官之九年也。拓跋居代郡。嘗佐劉琨。拒石勒。晉封之為代王。世有代北及部落。分散經六十餘年。至東晉時。秦主苻堅代代拾翼健。健為子實所殺。實亦卒。其孫珪走依獨孤部。是曰廬孫。東晉武帝太元元年。廬孫拾翼涉珪。魏書云。珪即太祖武皇帝也。出據朔州。東三百里。築城邑號恒安。為秦護軍。故羈屬符秦。晉太元八年十一月。苻堅敗於晉。太元十一年春正月。珪乃大會部落宗族於牛川。即代王位。年曰登國元年。徙居定襄之盛樂。定襄萬

新州之郡務農息民。國人悅之。珪尋改稱魏王。丙申。晉太元二十一年。珪始建天子旌旗。出警入蹕。明年曰皇始。戊戌年。遷都平城。今山西大同也。郡名雲中。彈丸及臘也。十二月。珪即皇帝位。改年曰天興。命朝野皆束髮加帽。追尊遠祖毛以下二十七人。皆為皇帝。始依倣古制定郊廟。朝饗禮樂。置五經博士。增國子太學生員合三千人。已酉年十月。珪為賀蘭氏夫人所生子清河王紹所弑。珪歷位二十四年。壽三十九歲。珪長子嗣殺紹而立。明元帝也。泰常八年。拔洛陽兖豫皆平。是時天下唯二國。謂之南北朝。柔然寇魏邊。魏築長城。自赤城西至五原。延袤二千里。備置戍卒以備柔然。五月。明元還平城。十一月。殂。在位十五年。壽三十二。太子世祖太武帝燾立。毀殘釋教。在位二十九年。壽三十五。皇孫高宗文成帝濬立。詔復釋氏之教。尊敬之。在位十三年。壽二十六。長子顯祖獻文帝弘立。在位五年。遜位于子宏。群臣上尊號曰太上

五經博士

柔然

皇帝總軍國大事。高祖孝文帝宏即位年五歲在位二十九年。遷都洛陽。去胡衣冠絕虜語。尊華風。初服袞冕朝饗。定戶籍制。五等公服。起明堂辟雍。太和十五年。馮太后崩。孝文依古禮服喪三年。太和十六年。命群臣議行次。承晉為水德。太和二十年。詔謂上者黃中之色。萬物之元。改姓元氏。壽三十三歲。第二子世宗宣武帝詔立。在位十六年。壽三十三。宣武第二子肅宗孝明帝詔立。在位十二年。壽十九。敬宗孝莊帝立。在位三年。壽二十四。節閔帝恭平安定王元朗立。二俱被害。孝武帝修避高歡西奔長安。自是西東分野。

右元魏十二主一百四十九年分曰西東。西三王二十二年禪于周。東一王十七年禪于北齊。

魏譯佛經師十九人。出經律論四百十九部。凡一千九百餘卷。僧至二百萬。國家大寺四十七所。三公等寺八百四十所。百姓所造寺院三萬一千。

所魏書又錄

柔然者夷狄國名。姓郁久間氏。始元魏神元之末。掠騎得一奴。髮始齊眉。忘本姓名。其主字之曰木骨間。木骨間者首禿也。木骨間與郁久間聲相近。得以為氏。木骨間在代。猗廬時。坐後期當斬。亡匿廣漢。谿谷間。有眾百餘人。至其子車鹿會。雄健始有部眾。自號柔然。魏太

武帝燾以其無知狀類於蟲。故改其號蠕蠕。史

乙卯 大同元年

西魏文帝寶炬東魏大統元年 天平二年

西魏文帝造般若寺。帝每運慈悲。常行信施。拯溺扶老。供給病僧。口誦法華。身持淨戒。丞相宇文泰與隆釋典。講摩訶衍。命釋曇顯

撰眾經要二十二卷。西魏進丞相及一百二十門。魏正。泰為安定公。

丙辰 大同二年

大統二年 天平三年

梁三月丹陽陶弘景卒。弘景嘗詣明州育王佛舍利塔。誓受五戒。本傳東魏以定州刺史侯景兼尚書右僕射南道行臺。督諸將侵建康。史

丁巳 大同三年

大統三年 天平四年

高王觀世音經。東魏定州民孫敬德者。事觀世音菩薩甚虔。後為賊橫引。妄伏承罪。夜夢僧教誦救苦觀音經。敬德誦之。

有司行刑。刀三斫而刀三折。監司具狀聞。丞相高歡歡審扣其故。為表請免其死。孫還家所奉觀音像。項三刀痕。因之稱高王經也。感應傳

戊午 大同四年 帝改造長干寺幸大統四年佛寺三萬寺設無礙大齋梁餘區僧尼二百萬 大象元年

巳未 大同五年 西魏 大統五年 東魏 興和元年

西魏沙門道臻博通經義文帝尊之為師傅長安立大中興寺居臻為魏國大統大立科條由是佛教再興帝復起大乘陟岵二寺臻入滅帝哀之廢朝其喪事所資並出天府虬

庚申 大同六年 大統六年 興和二年 詔鄴城舊宮為天平寺

辛酉 大同七年 大統七年 興和三年 兗州智僊譯經於鄴郡

壬戌 大同八年 大統八年 興和四年

玉篇 癸亥 大同九年 梁黃門侍郎顧野王撰玉篇成

甲子 大同十年 大統十年 武定二年

乙丑 大同十一年 西魏 大統十一年 東魏 武定三年

西魏丞相宇文泰長安立追遠陟岵大乘魏國安定中興六寺度一千僧又造天保寺供養瑋法師安州造壽山梵雲二寺造大福田寺供養實國師墓所造福田寺為大可汗大伊尼造突厥寺辯正

丙寅 中大同元年三月帝幸同泰寺講三慧經夏四月止大赦改元 大統十二年 武定四年

梁 帝自天監中事佛長齋不聽音樂造光宅同泰等五寺常供千僧帝作淨業賦其序云朕不啻魚肉不與嬪侍同處四十餘年矣既

不食衆生無復殺害障既不御內無復欲惡障除此二障意識稍明乃作淨業賦今略其辭曰觀人生之天性抱妙氣而清靜感物外以動欲心攀緣而成青過常發於外塵累必由於前境懷貪心而不厭縱內意而自騁耳流連於絲竹眼轉移於五色香氣醇起觸鼻發識舌之受味甘口噉食身之受觸以自安怡細腰纖手弱骨豐肌附身芳潔觸體如脂狂心迷惑倒懸自欺如是六塵同障善道方紫奪朱如風靡草抱惑如生與之偕老隨逐無明莫非煩惱由是外清眼境內淨心塵與德相隨與道為鄰見淨業之可愛以不殺而為因離欲

惡而自修。故無障於精神。患累已除。障礙亦淨。如久澄水。如新磨鏡。外照內像。內見眾病。既除。客塵反還。自性心清。若水志潔如雪。結縛既除。憂畏亦滅。與恩愛而長違。顧生死而永別。辯正

丁卯 大清元年 西魏 大統十三年 東魏 武定五年

高歡 正月東魏勃海獻武王高歡卒。世子澄嗣位。侯景與高氏有隙。叛歸西魏。西魏以景為太傅。景又遣丁和奉表歸梁。梁帝納景。以景為大將軍。封河南王。大清二年戊辰二月東魏大將軍高澄求通好於梁。

帝崩 梁武 由是侯景有疑。乃反。梁帝以臨賀王正德為平北將軍。都督京師諸軍事。屯丹陽郡。正德密以數十大艘濟景。正德守宣陽門。帥眾迎景。至闕下。正德即皇帝位。改元正平。大赦。大清三年己巳正月京師城陷。侯景入見武帝。縱兵掠乘輿服御。更以臨賀王正德為侍中。大司馬。五月丙辰梁武帝崩。壽八十六歲。侯景秘不發喪。殿外文武皆莫之知。辛巳始發喪。升梓宮太極殿。是日侯景迎太子綱即帝位。六月臨賀王正德怨侯景賣已。密書召鄱陽王範使以兵入。景遮得其書。縊殺正德。八月東魏勃海文襄王高澄為饕奴蘭京所弒。弟太原公高洋討賊殺之。十二月始與太守陳霸先結郡中豪傑討侯景。郡

人侯安都張憊等各率眾千餘人歸之。遣使間道詣江陵受湘東王繹節度。梁 西魏 大統十四年 東魏 武定六年

戊辰 太清二年 西魏 大統十五年 東魏 武定七年

已巳 太清三年 帝崩 五月 大統十五年 東魏 武定七年

太宗簡文皇帝 諱綱高祖武帝第三子。在位二年壽四十九歲。 大寶 二

庚午 大寶元年 北齊 高氏受禪 天保元年

北齊 正月東魏進太原公高洋位丞相。齊郡王。五月進齊王位。相國總百揆。備九錫。侍中張亮等諷帝禪位于齊王洋。帝出雲龍門。遣太尉彭城王韶等奉璽綬。齊王即帝位于南郊。改元天保。封魏帝為中山王。十二月鳩之。謚曰魏孝靜帝。葬於鄴西障北。東魏主十七年歲。追謚父王歡。高祖神武皇帝。歡姓高氏。歡初事爾朱榮。榮弟兆委歡軍事。封至勃海王。五十一歲。追謚兄澄。長神弒世宗文襄皇帝。顯祖文宣皇帝。洋神弒至是受東魏禪。建國曰齊。改元天保。都鄴。漳。魏。州。在位十年。壽三十一歲。太子殷立廢帝也。壽十七歲。肅宗孝昭帝演。神弒第以

神弒至是受東魏禪。建國曰齊。改元天保。都鄴。漳。魏。州。在位十年。壽三十一歲。太子殷立廢帝也。壽十七歲。肅宗孝昭帝演。神弒第以

廢帝乾明元年改皇建。皇建二年演獵墜馬絕肋。殂。壽二十七歲。世祖武成帝湛神武弟也立。以皇建二年十月改太寧。在位四年。禪位于太子。自稱太上皇。後主緯長子。在位十三年。播遷青州。周師追擒之。并太后幼主恒送長安封緯温公。五主合二十八年。

辛未 大寶二年 世尊入滅得 大統十七年三月北齊 帝殂太子欽立 天保二年

梁三月侯景逼帝傳位豫章王棟。改元天正。廢帝為晉安王。九月絃之。棟加侯景構九錫漢國置丞相以下官。棟禪位于景。景即皇帝位于南郊。還登太極殿。改年曰太始。縲壬申年正月梁湘東王繹命王僧辯等東擊侯景。二月諸軍發潯陽。陳霸先帥甲騎十萬舟艦二千自南江出湓口會僧辯於白茅灣。築壇歃血為盟。景遣侯子璽以兵拒西師。合戰中江。子璽大敗。僅以身免。收散卒走還建康。景大懼涕下覆面。僧辯督諸軍乘潮入淮。進軍招提寺北。侯景帥眾陳於西州之西。陳霸先王琳杜龕等以鐵騎乘之。僧辯以大兵繼進。景兵大潰。與百餘騎東走。僧辯等迎簡文梓宮升朝堂。帥百官哭踊如禮。命侯瑱姓等追景及於松江。瑱進擊敗之。景單舸走。為其小妻兄羊鴟所殺。以鹽納景腹中。送尸建康。僧辯傳首江陵。梟之於市。三日黃而漆之。乃以付武庫。十一月帝即位。縲。

世祖孝元皇帝

釋。武帝第七子。封湘東王。為荊州刺史。嘗以高祖崩。捨宮造天官寺。請法聰禪師居之。修崇佛事。壬申年十一月即皇帝位於江陵。

在位三年壽四十七。 承聖 三

壬申 承聖元年 西魏廢帝欽 北齊 天保三年

○三月益州刺史武陵王紀在蜀十七年。聞侯景陷臺城。湘東王繹討之。謂僚佐曰。七官文士。豈能匡濟。適紀內寢柏殿柱。繞節生華。以為獲瑞。四月即皇帝位。改元天正。以子圓照為皇太子。承聖二年三月元帝聞紀來。以書請魏伐蜀。紀聞有魏兵。遣前梁州刺史譙淹還軍救蜀。七月紀自峽口不獲退。復順流東下。梁遊擊將軍樊猛追擊斬紀。及其幼子圓滿。圓照圓正下廷尉獄死。八月圓肅以成都降魏。縲。僧。北齊詔僧稠禪師至京。齊王洋郊迎扶接入內。稠年過七十。神宇清曠。齊主拜受禪道。從受菩薩戒法。斷酒禁肉。放捨鷹鷄。去官佃漁。又勅天下三月六日。民間斷屠殺。勸令齋戒。官園私菜。葷辛悉除。留師禁中四十餘日。勅於鄴城建雲門寺以居師。兼為石窟大寺主。洋專務禪學。勅諸州別置禪肆。令達定慧者居之。就傳教授。大起塔寺。僧尼滿於諸州。佛法東流此焉盛矣。僧史

癸酉 梁 承聖二年

西魏廢帝欽 北齊 二年

天保四年

甲戌 承聖三年 十二月 帝降魏

西魏恭帝廓 元年

天保五年

復 西魏不立年號。謀誅太師泰事泄。泰廢欽置之雍州。立其弟齊王廓。恭帝也。改元亦去年號。復拓跋氏。九十九姓。改單者皆復其舊。姓。

十一月西魏兵逼江陵。帝與太子王褒謝荅仁朱買臣退保金城。帝入東閣竹庭。命舍人高善寶焚古今圖書十四萬卷。又以寶劍斫柱。令折。嘆曰文武之道今夜盡矣。去羽儀文物。白馬素車出降。十二月帝為魏人殺之。立梁王譽為梁主。資晉荊州之地。是曰後梁。

敬帝 方智。武帝第九子。封晉安王。元帝被害。王僧辯陳霸先奉之為梁王。乙亥年二月梁王至自潯陽。即王位。時年十三。以太尉王僧辯為都督中外諸軍事。加陳霸先征西大將軍。北齊主遣書王僧辯以

為嗣主。冲藐。貞陽侯以年以望堪保金陵。五月僧辯遣使奉告於貞陽侯淵明。定君臣之禮。庚子遣龍舟法駕迎之。癸卯淵明入建康。丙午即皇帝位。改元天成。以梁王為皇太子。王僧辯為大司馬。陳霸先為侍中。初僧辯霸先共滅侯景。情好甚篤。及僧辯納貞陽侯霸先遣使苦爭之。往返數四。僧辯不從。霸先舉兵襲僧辯。執而縊殺之。貞陽

侯遜位出就邸。百僚上晉安王表勸進。十月晉安王即。紹泰一皇帝位。改元紹泰。在位三年。以貞陽侯淵明為司徒。紹泰二年

乙亥 梁 紹泰元年 後梁 宣帝登西魏 恭帝 北齊 二年 天保六年

後梁 正月梁主譽即皇帝位。于江陵。宣帝也。昭明第三子。初封岳陽王。與元帝不平。遂求附庸於西魏。至是國曰梁。年曰大定。追尊

父太子曰昭明皇帝。廟號高宗。晉在位七年。上疏於魏則稱臣。奉魏正朔。明帝歸在位二十四年。太子琮立莒公也。在位二年。國歸於隋。

八月北齊主如晉陽還鄴。以佛道二教不同。欲去其一。集二家學者論難於前。遂勅道士皆剃髮為沙門。詔曰得僊者可飛騰遠舉。不能爾者並宜改習歸正。請昭玄上統剃度出家。有不從者殺四人。乃奉命。由是齊境皆無道士。北齊紀論南

丙子 梁 太平元年 後梁 大定二年 西魏 三年 禪于周 北齊 天保七年

梁譯經師四十二人。出經論七百八十卷。寺二千八百四十六所。僧尼八萬三千人。禪正

右梁四主合五十五年歸于陳

陳陳姓都。高祖武帝。世祖文帝。廢帝。建康。高宗宣帝。後主。合三十三年。

高祖武帝。諱霸先，字興國，湖州長興人。仕梁滅侯景有功。丁丑年八月進位相國，總百揆，封陳公，備九錫。陳國置百司。十月進爵為

王受禪，封梁敬帝為江陰王。帝在位三年五十七歲。永定三。

丁丑。梁。永定元年。大定三年。周宇文覺。北齊。元年。武成元年。

周宇文姓，代郡武川人。父泰仕魏，封周公。第三子覺襲封。丙子年十月受魏禪，至是正月即天王位。國號周。追尊父泰曰太祖，文宣

帝都長安，不立年號。稱元年。封魏恭帝為宋公。以木德承魏水行。自之時，服色尚黑，覺性剛果，惡大司馬晉公宇文護之專權。八月謀誅

護，事泄，護廢王為略陽公，月餘弑之。在位八月年十六，迎立岐州刺史寧都公毓，即天王位。文帝長子也。曰世宗明帝。在位四年，先二年

不立年號。已卯年正月太師太宗伯宇文護上表歸政，毓始親萬機。比軍旅之事，護猶總之。其都督州軍事之名，改為總管。八月御正中

大夫崔猷建議，以為聖人公革，因時制宜。今天子稱王，不足以威天下。請遵秦漢舊制，稱皇帝。建年號。周王乃稱皇帝，改元武成。帝明敏

有識，晉公護禪之。武成二年四月，寘毒於糖，鏈帝食而殂。壽二十七。武帝邕立，文帝第四子在位十八年。廢釋道二教。壽三十六。宣帝斌

武帝長子在位二年。禪位皇太子闡。自稱天元皇帝。壽二十二歲。靜帝後改名行。隋公楊堅為相，復釋道二教。在位一年。禪位於隋王堅

戊寅。陳。永定二年。後梁。大定四年。周世宗明帝毓。北齊。二年。天保九年。

陳五月帝幸大莊嚴寺，捨身。群臣表請還宮，設無遮大會，供僧布施。放生宥罪。揚州造東安寺，又造興皇天宮等四寺。

周帝奉佛，乘親宗族為先皇造盧舍那織成像，二菩薩各高二丈六尺，造等身檀像一十二軀，各二菩薩金剛獅子等。妙麗天成。天保十年。

已卯。永定三年。大定五年。周八月稱皇帝。武成元年。天保十年。

陳帝寫經一十二藏，造金銅像百萬軀。修故寺三十二所，度僧尼七千人。北齊顯祖宣帝洋在位十年。佛法大盛，所度僧尼八千人。

世祖文帝。諱禧，字子華，武帝兄。昭烈王之長子也。封臨川王。太后以遺詔立之。在位七年，壽四十五。天嘉六。

庚辰 天嘉元年 大定六年

周 武成二年帝崩十一月皇建元年

北齊 二月太子殷立改元乾明八月太后廢之為濟南王常山王演立十一月改皇建元年皇建二年十月帝改獵墜馬絕脇殂遺

命弟湛入繼大統改皇建二年為太寧元年演湛皆宣帝之弟

二祖慧可大師尊者

洛京武牢姬氏子初名神光博涉詩書尤精玄理幼年抵洛陽龍門香山依寶靜禪師出家受

具於永穆寺其師指之見達磨於少室山寺林得法機緣列達磨章下祖之繼闡玄風也博求法嗣至北齊有一居士年踰四十不言名氏聿來設禮而問祖曰弟子身纏風恙請和尚懺罪祖曰將罪來與汝懺士良久曰覓罪不可得祖曰與汝懺罪竟宜依佛法僧住士曰今見和尚已知是僧未審何名佛法祖曰是心是佛是心是法佛法無二僧寶亦然士曰今日始知罪性不在內不在外不在中間如其心然佛法無二也祖深器之云是吾寶也即為剃落宜名僧粲於光福寺受具執侍經二載祖乃告之曰菩提達磨遠自竺乾以正法眼藏并信衣密付於吾吾今授汝汝當守護無令斷絕聽吾偈曰本來緣有地因地種華生本來無有種華亦不曾生付衣法已又曰汝受

吾教宜處深山未可行化恐罹世難然吾亦有宿累今要辭之祖即往鄴都隨宜說法積三十四年後於甓城縣匡救寺山門下譚無上道時有辯和法師者於寺中講涅槃經學徒稍稍引去和憤謗祖於邑宰翟仲侃翟罪於祖祖乃委順時年一百七歲當隋文帝開皇十三年三月十六日也葬磁州滏陽縣東北七十里唐德宗謚曰大祖禪師証宗

辛巳 天嘉二年 後梁 大定七年

周武帝邕 北齊建二年十月改太寧元年

壬午 天嘉三年 登字歸立受周命 稱帝 天保元年

保定元年 保定二年 河清元年

癸未 天嘉四年帝設無明帝歸 礙大會於太極殿 天保二年

保定三年 河清二年

法上法師 北齊世祖成帝湛築壇於內請上法師授歸戒帝布髮於地令法師踐其髮而陞座帝受戒畢次授八座重臣后妃戚屬菩薩戒法朔報德寺以居法師諺曰四海僧望道場法上時繼

僧實禪師 周帝王臣克盡禮敬一日謂僧眾曰急修法事誦觀世音救江南講堂崩厄是時楊都講堂聽法眾集道俗充滿忽

身為正隨居四土為依。四土者一常寂光法性土也。法身居之。二實報無障土攝二受用也。自受用土報佛自居。他受用土登地菩薩居。三方便有餘。四淨穢同居。並為應化土也。地前菩薩二乘凡夫所居。其實則非身非土無優無劣。為對機緣故假說身土而分優劣。師得身土互融權實無礙故。三十餘年盡夜宣演。生四種益具四悉檀。悉遍也。檀翻名施也。師之法徧施有情隨根得益。如云世界悉檀。生歡喜益。云師生緣見乙未年。○天台第九祖荆溪尊者始終心要曰。夫三諦者天然之性德也。中諦者統一一切法。真諦者泯一切法。俗諦者立一切法。舉一卽三。非前後也。含生本具非造作之所得也。悲夫。祕藏不顯。蓋三惑之所覆也。故無明翳乎法性。塵沙障乎化導。見思阻乎空寂。然茲三惑乃體上之虛妄也。於是大覺慈尊喟然歎曰。真如界內絕生物之假名。平等慧中無自他之形相。但以衆生妄想不自證得。莫之能返也。由是立乎三觀。破乎三惑。證乎三智。成乎三德。空觀者破見思惑。證一切智。成般若德。假觀者破塵沙惑。證道種智。成解脫德。中觀者破無明惑。證一切種智。成法身德。然茲三惑三觀三智三德。非各別也。非異時也。天然之理具諸法故。然此三諦性之自爾。迷茲三諦轉成三惑。惑破藉乎三觀。觀成證乎三智。智成成乎三德。從因至果。非漸修也。說知次第。理非次第。大綱如此。綱目可尋。

庚子

陳

大建十二年

後梁

天保十九年

周衍

大像二年

二月周帝詔曰。佛法弘大前古共崇。詎宜隱沈捨而不行。自今應王公下至黎庶。並宜修事。知朕意焉。綱

辛丑

大建十三年

天保二十年

正月改元大定

隋受周禪

二月禪位于隋

開皇元年

周靜帝大像二年十二月。以大丞相隋公楊堅為相國總百揆。進爵為王。以安陸等二十郡為隋國。贊拜不名。備九錫之禮。堅受爵十郡而已。辛丑年正月。靜帝改元大定。二月。通直散騎庾季才勸隋王宜應天受命。太傅李穆大將軍盧賁亦勸之。於是周主下詔。遜位居別宮。命杞公椿奉皇帝璽紱。禪位於隋。周五主合二十五年。祚終。隋王受冊。璽入臨光殿。服袞冕。如元會之儀。大赦建元。開皇。除周六官。依漢魏之舊。封周帝為介公。九歲薨。隋書

○

隋帝楊姓。堅名。弘農華陰人。漢太尉震十四代孫。父忠。初事周。文屢立戰功。官至太傅。隋國公。堅襲封也。周武聘堅女為太子妃。太子

宣帝也。靜帝立。堅輔政。受周禪。以火德。都長安。開皇元年三月。詔於五嶽之下。各置僧寺一所。三寶○七月。制曰。伏惟太祖武元皇帝。間

關三代造我帝基追仰神猷事冥真寂思欲廣崇寶刹經始伽藍增
 長福因微副幽旨其襄陽隋郡江陵晉陽並宜立寺一所建碑頌德
 每年至國忌日設齋行道八關懺悔奉資神靈八月制曰昔歲周道
 既衰群兇鼎沸朕出車練卒蕩滌妖醜節義之徒輕生忘死干戈之
 下每聞殂落永念群生蹈兵刃之苦有懷至道興度脫之心思建福
 田法力冥助庶死事之臣善根增長悖逆之侶從暗入明並究苦空
 咸拔生死可於相州戰地建伽藍一所綱皇帝又於民有犯法處盡
 者率為營齋是冬沙門智周等自西域還進梵本經二百六十部勅
 付有司召人翻譯隋帝在位
 二十四年壽六十四歲隋書

壬寅 陳 大建十罕 正月後梁 帝崩 天保二十一年 隋 開皇二年

建都 六月隋帝詔以長安龍首山宜建都邑城曰大興城殿曰大興殿寺
 造寺 曰大興善寺詔境內之民任聽出家仍計口出錢營造經像以法師
 曇延為昭玄統勅對譯經又勅法師僧猛住大興善寺尋進為隋國
 大統三藏法師帝昔龍潛所經四十五州至是同起大興國寺綱皇
 後主 諱叔寶宣帝長子壬寅年正月即帝位九月設無礙會至德
 於太極殿捨身及乘輿服御綱正在位七年壽五十二

癸卯 陳 至德元年 後梁 天保二十二年 隋 開皇三年 三月遷 于新都

復 隋正月帝詔曰朕欽崇聖教念存神宇其周朝所廢之寺咸可修復
 寺 又敕中好生惡殺王政之本佛道垂教善業可憑稟氣含靈唯命為
 救護 重宜勸勵天下同心救護其京城及諸州官所立寺正月五月九月
 誠殺 常起八日至十五日當寺行道其日遠近民庶凡是有生之類悉不
 沙門 得殺綱皇帝又敕法師明瞻翻譯經文住大
 統 興善寺又敕釋慧遠為洛州沙門統綱皇正錄

甲辰 至德二年 天保二十三年 開皇四年

三月陳國僧統寶瓊入寂壽八十一敕有
 司給葬具仍以天子鹵簿仗借為飾綱正
 隋帝以初生因出般若尼寺故基為太祖
 武元皇帝元明皇太后造大興國寺綱正

乙巳 至德三年 天保二十四年五月 歸祖太子琮嗣立 開皇五年

隋帝請經法師受菩薩戒詔曰朕夙膺多祉恭嗣寶命方欲皈依正
 覺欽崇聖果今請經法師於大興善殿受菩薩戒然菩薩之教以解

受脫為先，戒行之本以慈悲為始。今囹圄幽闇，有動于懷，自流罪以下戒。悉可原放。又敕曰：佛以正法付囑國王，朕是人尊，受佛付囑。自今以後，訖朕一世，每月常請二十七僧，隨番上下轉經。經師四人，大德三人，於大興善殿讀一切經文。辯正

丙午 至德四年 後梁琮、莒公也 廣運元年 開皇六年 蜀王秀及妃姬請釋法進稟授戒法

丁未 禎明元年 廣運二年 滅 開皇七年

陳年禎明，宋資治通鑑避仁宗皇帝廟諱作祥明，今從舊。

隋八月徵梁主入朝，梁主帥其群臣發江陵，隋帝以梁主在外，遣武鄉公崔弘度將兵戍江陵。梁主叔父安平王巖等恐弘度襲之，驅文武男女十萬口奔陳。隋帝聞之，廢梁國，拜梁主琮柱國，賜爵莒公。後梁三主並崇信佛法，廣造塔寺，寺一百八所，僧尼三千二百人。辯正陳法師慧布至德間於建康攝山建棲霞寺，陳帝諸王並受布戒，奉之如佛。是年十一月二十三日入寂。碑實隋帝召遷法師詔曰：皇帝敬問徐州曇遷法師，承勤精大教，利益無邊，承風飡德，實懷虛想，願即來儀，以沃勞望。遷至京，大弘法化。開皇

戊申 禎明二年 五月廢太子胤為吳興王 隋 開皇八年十月大舉伐陳 立張貴妃子深為太子

李士謙 開皇八年卒。謙字約，少喪父，事母以孝聞。其族長伯瑒每嘆以戒定，有謂其修陰德。謙笑曰：夫陰德，其猶耳鳴，惟已自知，人無得而知者。今吾所作仁者皆知，何陰德之有。謙最善玄言，有疑佛報應之說，士謙喻之曰：不聞易經乎？積善餘慶，積惡為殃，豈非休咎之徵。雅客又問三教優劣，士謙曰：佛日也，道月也，儒五星也，客有省焉。北史

巳酉 禎明三年滅 開皇九年 天下 一統

平蕩 正月陳帝為隋廬州總管韓擒虎所得。隋帝詔建康城邑宮室平蕩，城邑耕墾更於石頭城置蔣州。班師以長史右僕射司馬王韶鎮石頭。三月陳主與其王公百官發建康，四月至長安，隋帝給賜陳主甚厚。數得引見，班同三品。仁壽四年卒，贈大將軍長城縣公，謚曰煬。隋書陳譯師三人，出經論二百卷，寺一千二百三十二所，國家新寺一十七所，百官造者六十八所，廓內大寺三百所，僧尼三萬二千人。辯正右陳五主合三十三年歸于隋

餘州一依前式用四月八日期同下塔釋教帝將避暑仁壽宮術士章仇續大翼諫止之帝不聽遂幸仁壽宮四月不豫七月崩紀帝太子廣即位帝在位寫佛經四十六藏凡十三萬卷修治故經四百部造金銅檀像六十餘萬軀修治故像一百五十萬九千餘軀宮內造刺繡并織成像及畫像五彩珠幡不可稱計崇緝寺宇五千餘所譯經道俗二十四人所出經論垂五百餘卷釋教

煬帝

諱廣高祖文帝第二子封晉王開皇二十年廢太子勇立廣為皇太子仁壽四年七月即帝位在位十三年為令狐行達縊於江都

壽三十九歲。
大業十二年又二

乙丑

大業元年正月帝為高祖造西禪定寺又於高陽造隆聖寺賜葵州傳大士雙林寺書畧曰朕欽承寶命撫育萬方思弘德化

士科
置進

覃被遐邇見大士傳始置進士科三月戊申詔曰聽採輿頌謀及庶民故能審刑政之得失今將廻歷淮海觀省風俗敕字文愷與內史舍人封德彝等營顯仁宮南接卓湘北跨洛濱發大江之南五嶺以北奇材異石輸之洛陽又求海內嘉木異草珍禽異獸以實園苑又命尚書右丞皇甫儀發河南淮北諸郡民前後百餘萬開通濟渠自西苑引穀洛水達於河復自板渚引河歷滎澤入汴又自大梁之東

引汴水入泗達於淮又發淮南民十餘萬開邗溝通渠州安自山陽至楊子入江渠廣四十步渠旁築御道樹以柳自長安至江都置離宮四十餘所又遣黃門侍郎王弘等往江南造龍舟及雜船數萬艘五月築西苑周二百里其內為海周十餘里為方丈蓬萊諸山高出水面百餘尺臺觀宮殿羅絡山上向背如神海北有龍鱗渠縈紆注海內泔渠作十六院門皆臨渠每院以四品夫人主之堂殿樓觀窮極華麗官樹秋冬彫落則剪綵為花葉綴於枝條色渝則易以新者常如陽春沼內亦剪綵為荷芰菱茨乘輿遊幸則去水而布之上好以月夜從宮女數千騎遊西苑作清夜遊曲馬上奏之八月上行幸江都發顯仁宮出洛口御龍舟龍舟四重高四十五尺長二百尺上重有正殿內殿東西朝堂中二重有百二十房皆飾以金玉下重內侍處之皇后乘翔螭舟制度差小而裝飾無異挽船士皆以錦綿為袍又有浮景漾彩朱鳥蒼螭等數千艘擘刀挽船士八萬餘人舳舻相接二百餘里照耀川陸騎兵翊兩岸而行旌旗蔽野帝每出遊幸羽儀亘二十餘里支物之盛近世莫及也隋書二年三月帝發江都四月入東京立道場設無遮大會度士女百二十人為僧尼奉為文帝造金銅釋迦佛坐像一軀并州太原造弘善寺傍龍山作彌陀坐像高百三十尺揚州立慧日道場長安造清禪寺日嚴寺香臺寺又捨

恭帝

諱侑元德太子招之子煬帝孫也封代王煬帝巡幸命代王留守長安時年十三歲晉陽留守唐公李淵兵起王命諸將禦之皆敗

走十一月淵克長安奉代王即皇帝位於天興殿改大業十三年為義寧元年遙尊煬帝為太上皇淵自長樂入長安以淵假黃鉞使持

節大都督內外諸軍事尚書令大丞相尋封唐王以武德殿為丞相府立官屬以裴寂為長史劉文靜為司馬淵子建成為唐世子次子

世民為京兆尹曰秦公

第三子元吉為齊公

魏公李密夏涼李軌梁蕭銑秦薛舉定揚可汗吳李子通梁梁師都楚

據洛口 竇建德

據涼州 據巴陵 據金城

劉武周

據江都

據朔方

朱粲

永平元 丁丑元

安集元

天鳳元

秦興元

據馬邑

天興元

永隆元

稱帝

降于唐

戊寅

義寧二年大業十四年也正月煬帝留江都見天下危亂無心北歸乃命治丹陽宮將徙都之時江都糧盡從駕驍果多關中

人久客思鄉里見帝無西意多謀叛歸司馬德戡元禮裴虔通謀曰驍果若亡不若與之俱去以謀告宇文智及智及曰今天實喪隋英

雄並起同心叛者已數萬人因行大事此帝王之業也德戡等然之以宇文文化及為主德戡悉召驍果軍吏諭以所為皆曰唯將軍命三

月丙辰天未明德戡授虔通兵以伐諸門衛士虔通自門將數百騎

至成象殿德戡等引兵自玄武門入帝聞亂易服逃於西閣虔通與

元禮進兵校尉令狐行達拔刀直進因扶帝下閣至寢殿虔通德戡

等拔白刃侍立帝嘆曰我何罪至此賊黨馬文舉曰陛下違棄宗廟

巡遊不息外勤征討內極奢淫使丁壯盡於矢刃女弱填於溝壑四

民喪業盜賊蜂起專任佞諛飾非拒諫何謂無罪賊欲弑帝帝索鴆

酒不許令狐行達縊殺之蕭后與宮人撤漆版為小棺殯於西院流

珠堂化及自稱大丞相總百揆以皇后令立秦王浩為帝居別宮令

發詔盡勅書而已宇文文化及唐武德二年死宇文志及與封德彝降

於唐馮及隋恭帝詔以十郡益唐國仍以唐王為相國總百揆唐國

置丞相以下官又加九錫唐王不受但改丞相府為相國府其九錫

殊禮皆歸有司四月煬帝凶問至長安五月至東都留守官奉越王

越王

侗恭帝弟也即帝位改元皇泰以王世充為左僕射總督內外諸軍事世

充勢震內外皇泰主拱手而已世充本從煬帝在江都揚州李密亂

煬帝遣世充將江淮勁卒赴東都助討密因留東都田充五月戊午

隋恭帝禪位於唐王遜居代邸甲子唐王淵即皇帝位於太極殿大

赦改元改郡為州改太守為刺史六月奉隋帝為鄴國公鄭海封

改郡

為州

其隋蔡王智積等子孫
並付所司量才選飛譟

右隋三主合三十七年

天下混一歸于唐
二十九年

釋氏稽古略

卷二終

